

# WANTOK

NIUSPEPA BILONG YUMI OL PAPUA NIUGINI STRETI 30 YIA NAU

32 pes

Namba 1,371

Wik i stat long Fonde Oktoba 5, 2000

70t

**Ol Ahl  
papagraun  
wari**

pes 3

**Keravat lalk  
larim kalasbus  
lain go wiken**

pes 4

**Ol Nebillyer  
wanpisin redi  
long sekan**

pes 7

**Nem bilong  
Kumul tim**

pes 32

## Kopra bisnis bungim hevi

KOPRA bisnis insait long kantri i wok long bungim hevi taim kopra prais long wol maket i pondaun moa yet.

Dispela i kariap bikos ol kantri long wol we i save kamapim kopra i kamapim moa yet long dispela taim.

Long dispela wik, prais bilong kopra i bin stap long K247 long wanpela ton na ol ripot i tok dispela em daunbilo prais. k

Kantri i lukim prais bilong kopra i bagarap insait long 10-pela krismas.

Long planti krismas tru kopra i bin helpim ol pipel na kantri long strongim wok mani long en.

Ol pipel i save mekim bikpela hatwok long wokim kopra na nau taim prais long wol maket i go daun, ol i les na ol i stop long katim kopra. Sampela i larim ol bek kopra bilong ol i stap long ples na ol i no salim.

Mekim na bikpela kokonas fektri bilong Kokonas Prodak Limited kampani long Tobol insait long Is Nu Briten we i save wokim ol kokonas prodak i pas long dispela wik.

CPL i save kisim 250 ton kopra long wanpela de tasol nau em i wok long kisim 60 ton tasol.

Kampani i gat kontrak wantaim Kopra Marketing Bot na em i save baim kopra long en we em i save wokim ol wel na ol arapela samting long kokonas na salim ovasis.

Long Palamen las wik, Praim Minista Sir Mekere Morauta na Deputi Praim Minista husat i Agrikalsa Minista Mao Zeming i bin tok gavman bai sapatim CMB taim em i stap long hevi.

Wantok i no bin inap long kisim moa toktok long Deputi Praim Minista na Minista bilong Agrikalsa Mao Zeming long dispela samting aste apinun.

Long ol yia bipo taim kopra bisnis i bungim hevi, gavman i save helpim wantaim kopra prais sapat i go long ol grwa.

Bihainim hevi ya, CMB Bot i lukluk long wokim sampela senis olsem surukim het opis long Mosbi i go long Rabaul o Madang na tu salim sampela ka na ol haus long ol depo bilong em insait long kantri.

Is Nu Briten, Madang, Bogenvil, Wes Nu Briten, Nu Allan, Milen Be na Is Sepik em ol provins i gat nem insait long kantri long kamapim kopra.

Moa toktok long dispela long pes 13



Taim bilong wokim sekan pasin na lusim ol gan

Ol Ulga-Kuluga wanpisin bilong Nebillyer Veli insait long Sauten Haitans i bin peim kompensesen inap long K101,000 na 206 pik i go long Ulga-Pinga wanpisin. Long hevi na pait namel long ol dispela wanpisin, faipela man Ulga-Pinga i bin dai. Bipo ol wanpisin i save pait wantaim ol bunaro tasol nau ol i yusim ol strongpela gan olsem long piksa ya.

Foto: Timothy Aims

## Wright i bin mekim disisen bilong baim sea

••• NPF Enkwairi i harim

WINIS MAP i raitim

PLANTI bilong ol invesmen disisen bilong Nesenel Providen Fan (NPF) em Noel Wright manesa bipo bilong fainens na invesmen i bin mekim, NPF Komisn ov Enkwairi i bin harim aste.

Jastis Tos Barnett i go pas long ol Komisina husat i harim kot bilong NPF we i bin stat long sampela mun i go pinis long lukluk long ol wok paul i kamap na bagarapim ol seavings bilong 55,000 ol praivet kampani wok maneri insait long kantri.

Komisn i bin harim olsem Mista Wright i bin mekim planti ol bikpela invesmen disisen,

sampela em i wokim wantaim nogat tok orait bilong NPF manesmen.

Yamen Gire wanpela sinia opisa wantaim NPF taim em i givim evidens i bin tok taim em bin wok aninit long Mista Wright em i luksave olsem em (Mista Wright) i wok long mekim olgeta disisen em yet bilong baim ol sea.

Em bin tok Mista Wright i save wokim ol disisen na tokim Haro Mekere, bos bilong Mista Gire long karimaut. Na Mista Mekere i save toktok wantaim ol lain long Sentrel Beng long tok oraitim na givim tok orait bilong takis.

Tupela olpela manesing dairekta bilong NPF em Robert Kaul na Henry Fabila i warbel long toktok bilong Mista Gire. Ol bin tok em savewok hat long baim ol sea na sampela taim em i wokim long save bilong em yet.

Mista Fabila i bin tok taim em bin bos long

NPF namel long Me 1998 inap long Me 2000, em bin stapim Mista Wright long baim ol sea taim em i harim save long ol samting we em i wokim.

Mista Kaul husat i bin bos long NPF long 1993 inap long 1998 i tok Mista Wright i bin stretim ol samting bilong baim ol sea na em i larim em (Mista Wright) i wok long eria bilong em.

Wanpela foma NPF bot trasti memba na Jenerel Seketeri bilong PNG Tred Yunien Kongres John Paska taim em i sanap long givim toktok bilong em long Enkwairi i bin wokim wankain toktok long Mista Wright. Dispela em long sait bilong baim ol sea.

Mista Paska i bin tok Mista Wright i bin save givim tok stia long baim ol sea na em (Mista Paska) i lukim em olsem man husat i save go pas long manesmen bilong NPF.

**Nestlé MILO**

**IKEN WOKIM GUTPELA SAMTING LONG YU**

## PLIS RIPOK

### MOSBI

PLIS i salensim toktok bilong wanpela witnes long dispela wik long tok tupela bilong ol saspek i no bin dai bihain long ol plis i bin sut gan wantaim ol insait long wanpela pasin bilong stil long Papua Niugini Beng long Mosbi las yia wantaim helikopta.

Plis Prosekyuta Julian Twain i tok nogut toktok bilong dispela witnes em i no stret long wanem toktok bilong em i no wankain olsem ol arapela toktok kot i bin harim pinis.

Mista Twain i tok olsem taim em i askim witnes Gabriel Oa husat i save wok olsem wanpela kas-toms klak wantaim Nings Ajensis.

Mista Oa i tok em i bin stap long namba wan floa bilong Intenel Revenu Komisen opis taim dispela hevi i bin kamap.

Em wanpela bilong tripela witnes i kamap bipo long kot i glasim pasin ol faipela saspek long stil pasin wantaim helikopta long PNGBC long Mosbi long Disemba 17 las yia.

### MENDI

TRIPLELA kampani i wok insait long Sauten Hailens provins i bungim mani wantaim na baim wanpela ka na givim i go long ol plis long Sauntan Hailens bilong lukautim lo na oda insait long provins.

Ol dispela tripela kampani, Oil Search Limited, Placer Niugini Limited, na Chevron Niugini Limited i baim wanpeal Toyota Landcruiser na givim i go long Hailens rijinel plis komanda Tony Wagambie long dispela wik.

Ol tenpela memba bilong plis mobail skwad husat i go antap long Sauten hailens bai yusim dispela ka long mekim wok.

### MADANG

GAVMAN bilong Ostrelia aninit long AusAID i bin givim K3.5 milien i go long mekim 32 haus bilong ol plis long Madang, Madang provinsel plis komanda, Samson Mapi i tok.

Mista Mapi i tok dispela helpim ol i givim long Madang em hap bilong wankain helpim ol i givim tu long Simbu, Milen Be na Manus.

Em i tok dispela wok bai kisim tu o tripela yia long pinisim.

Mista Mapi i tok ol plis long provins i amamas tru long helpim Ostrelia i givim.

Em i tok ol opisa bilong em i bin bungim hevi bilong haus long longpela taim na dispela i bin mekim sampela opisa i lusim Madang na i go wok long ol arapela provins na long wankain taim ol arapela plis opisa i bin stap wantaim ol wantok bilong ol o i stap long ol setelmen.

### HAGEN

Ol wanpisi bilong Nebilya distrik insait long Westen Hailens Provins long Mande i baim K101,000 na 206 pik olsem kompensesen mani i go long ol Ulga Pinga wanpisi long dai bilong faipela wanpisi bilong ol namel long dispela tupela grup.

# Ambane laik save K70 milien bilong 1998 rot wok go we

GAVANA bilong Simbu, Pater Loui Ambane i askim Minista bilong Woks, Alfred Pogo long tokaut kila long K70 milien bilong 1998 rot infrastraksa i go we.

Pater Ambane i tok sapos sampela lain i paulim dispela mani, i gutpela long Mista Pogo i mas putim ol i go long han bilong ol lain husat inap sekim pasin bilong ol.

Mista Pogo i tok, K40 milien insait long dispela K70 milien em Gavman bilong Praim Minista Bill Skate i bin yusim insait

long Sentrel Provins na Nesanel Kapitel distrik.

"K30 milien tasol i bin stap long yusim insait long Papua Niugini," Mista Pogo i tok.

Em i tok long dispela K30 milien Gavman i bin givim i go aut K16 milien long Kes Fan Setifiken (CFC) i go inap long taim Gavman i senis.

Oposisen Lida, Bill Skate i tok em i no

gutpela long ol memba i sutim tok long Oposisen long paulim dispela mani.

Em i tok i moa gutpela long ol i painim aut pastaim husat tru i bin tok orait long yusim dispela K40 milien long Sentrel na Nesanel Kapitel distrik.

Mista Skate i tokaut tu long Gavman i mas painim aut husat i bin stap olsem het bilong dispela dipatmen long dispela taim na i bin givim edvais long minista long yusim dispela K40 milien.

## Mani Japan i givim bilong kirapim Western provins wara saplai projek long 1995 i go we

PRAIM Minista Sir Mekere Morauta i tokim Palamen las wik olsem em bai painim aut wanem samting i kamap long Western provins wara saplai projek we Gavman bilong Japan i redi long putim mani long wokim long 1995.

Stat long 1995 i kam inap tude dispela projek i no kirap yet.

Long dispela as, Gavana bilong Western provins, Norbert Makmop i bin askim Sir Mekere long tokim ol pipel bilong Western provins long dispela projek.

Em i tok long 1995, insait long Nesanel Eksekutiv Kaunsel miting namba 23, disisen 60, Gavman i bin tok orait long Gavman bilong Japan i ken putim mani i go insait bilong kirapim Flai Riva Wara tritmen.

Em i tok dispela disisen i tok orait tu long kirapim 19 moa wara projek insait long Not na Midel Flai ilektoret.

Mista Makmop i tok dipatmen bilong Envairomen na Konsevesen, Helt na Plening i wanbel long wok bung wantaim long lukim dispela projek i kirap.

Em i tok tu olsem long dispela taim Praim Minista Sir Julius Chan yet i bin sainim dispela NEC disisen tasol i kam inap tude dispela projek i no kirap.

Mista Makmop i laik save bilong wanem as tru dispela projek i no kirap na husat tru i asua.

## Madang Woks Dipatmen paulim K2 milien bilong Musa

MEMBA bilong Raikos, Stahl Musa, i laik save long K2 milien em i bin givim Woks Dipatmen long Madang long mekim ol wok insait long ilektoret bilong em long 1999 i go we.

Mista Musa i tok Madang provinsel gavman i bin putim K1 milien na em i putim K1 milien insait long Rurel Developmen Fan bilong em long kirapim sampela projek insait long ilektoret bilong em long 1999.

Tasol i kam inap nau nogat wanpela wok i kamap na tu em i no save dispela mani Woks Dipatmen long Madang i putim we.

Mista Musa i askim Praim Minista Sir Mekere Morauta long glasim dispela hevi na bekim bek K2 milien bilong em.

Sir Mekere i tok em bai askim Minista bilong Woks, Alfred Pogo long lukluk i go insait long dispela hevi long Woks Dipatmen long Madang na stretim hevi bilong Mista Musa.

## Sir Mekere bai go sainim Ramu Nikel projek MOA

HAILENS Pasifik Limited i wok bung wantaim Dipatmen bilong Main na Madang Provinsel Gavman long redim wan wik program bilong sainim Memorandum Ov Agrimen we ol i bin tok orait long en insait long Developmen Forum long Januari long dispela yia.

Jenerel Menesa bilong Ramu Nikel projek, Leith Anderson i tok, long makim dispela bikpela de, minista bilong Maining Sir Michael Somare i tok orait long go long Madang Provins long tripela de, 10 i go long 12 Oktoba long sainim MOA.

Em i tok ol i askim tu Praim Minista Sir Mekere Morauta olsem minista bilong Fainens na Treseri, long go long Madang long Fonde 12 Oktoba long sainim dispela MOA kontrak.

Long Tunde Oktoba 10, ol bai go long Kurumbukari, Bundi distrik na bihain i go long Waliem we Sir Michael baim sainim MOA.

Long Trinde Oktoba 11 ol bai go long Basamuk, Raikos distrik we Sir Michael bai sainim MOA.

## Ol pipel bilong PNG i ken go wok ovasis

OL pipel bilong Papua Niugini i ken go wok long arapela kantri sapos ol i gat save na tu sapos ol gavman o kampani ovasis i laikim ol, Ekting Minista bilong Foren Afes, Moi Avei i tok.

Las Wik Foren Afeas Minista,

John Kaputin i no bin stap long Palamen long bekim sampela askim bilong memba bilong Karamui Nomane, Simeon Wai, sapos i orait long ol pipel bilong PNG i go long Australia o Niu Silan bilong wok.



### Wara em laip...

• Planti Komyuniti insait long PNG i save kisim hat taim long kisim gutpela wara bilong dring. Sampela i save silip long ples i gat wara na sampela i nogat. Wara i save givim laip ol manmeri. Sampela i save go longwe tru long painim wara bilong kuk, dring na waswas. Ol meri pikinini bilong ples Kotinu long Isten Hailans i sanap long fran bilong viles wara saplai tep we palamen memba bilong ol Henry Smith i bin fandim. Dispela kain wok kamap i kamap long wanwan hap tasol. Foto: SAPE METTA.

## Wama askim Lasaro long sekim Madang provinsel gavman

MEMBA bilong Madang, Jacob Wama, i askim Minista bilong Provinsel na Lokol Level Gavman lairo Lasaro long karim aut namba tri wok painim i go insait long sekim wok bilong Madang provinsel gavman.

Mista Wama i tok taim Simon Kaumi i bin stap Minista bilong Provinsel na Lokol Level Gavman em i bin karim aut wanpela wok painim bihainim ol toktok sut i kamap olsem i gat paul pasin i kamap long Madang provinsel gavman.

Bihain Dibara Yagabo i mekim wankain pasin taim em i kamap Minista bilong Provinsel na Lokol Level Gavman.

Mista Wama i tok tasol i kam

inap nau ol i no mekim wanpela ripot na olsem em i askim Mista Lasaro long painim aut wanem samting i kamap long ol dispela wok painim na sapos i nogat ripot, i gutpela long minista i mas go het na karim aut namba tri wok painim.

Mista Lasaro i tok, em i save olsem tupela minista Mista Kaumi, na Mista Yagabo i bin karim aut wok painim long Madang provinsel gavman, tasol em i tok i kam inap las wik, em i no lukim wanpela ripot.

Em i tok taim em i kisim dispela ministri em i no bin save long wanpela ripot bilong wok painim i go insait long Madang provinsel gavman. Tasol em i tok, em bai lukluk i go insait long en.

## WANTOK

All departments. Phone: 325 2500 - Fax: 325 2579  
P. O. Box 1982, Boroko, NCD, Papua New Guinea



Publishing Weekly, Thursday, for  
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

Acting General Manager and  
Group Editor in Chief:

Anna Solomon.

Acting Advertising Manager:

Jacko Oberleutter

Editor of Wantok:

Yakam Kelo

Papers distributed by air  
throughout PNG.

Available by air mail  
subscription within

Papua New Guinea

and overseas

Email address:

word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

# Taim bilong sekim Tolukuma Memorandum Ov Agrimen i no redi

## ...Ol papagraun i givim Gavman dispela wik long sekim MOA

WENCESLAUS MAGUN i raitim

DE, taim na ples bilong sekim Tolukuma Memorandum Ov Agrimen (MOA) i no redi yet, Kodineta bilong Tolukuma Gol projek long Dipatmen bilong Main, Jerry Naime i tok.

Mista Naime i tokaut long dispela long bekim sampela askim i kam long ol papagraun bilong Tolukuma Gol projek na Memba bilong Goilala, Ajax Bia, long Gavman long sekim MOA long dispela wik (Trinde 04 Oktoba) o nogat ol inap stapim wok bilong main.

Tasol Mista Naime i tok, em i no wok bilong ol papagraun long makim de na taim bilong sekim MOA. Em i tok Gavman yet bai makim de na taim bilong sekim MOA bilong Tolukuma main.

Em i tok tu olsem Gavman i no inap bihainim tingting bilong ol papagraun maski ol i pretim Gavman.

Em i tok aninit long Main Ekt bilong 1992, Nesenel gavman, ol papagraun, kampani na ol provinsel gavman i mas sekim MOA bihain long olgeta tupela yia. Tasol long sait bilong Tolukuma Gol projek, ol i no bin mekim dispela.

Mista Naime i tok dispela hevi i kamap long wanem, i gat sampela samting bilong mekim yet we ol papagraun, kampani, Sentrel provinsel gavman na Nesenel gavman i mas stretim pastaim.

Mista Naime i tok pastaim long ol i sindaun na sekim na senisim ol toktok insait long MOA, we ol i bin sainim long 1997, ol papagraun, kampani, Sentrel provinsel gavman na Nesenel gavman i mas luksave long wanem ol toktok insait long MOA i no gupela o i no wok.

Em i tok ol papagraun yet i mas bung wantaim na pasim

tok long wanem ol toktok ol i laik senisim insait long MOA, bipo long ol i askim Gavman na kampani long senisim MOA.

Mista Naime i tok long Trinde long dispela wik, ol opisa bilong Tolukuma Gol Main i bin bungim ol opisa bilong Dipatmen bilong Main, Dipatmen bilong Envairomen na Konsevesen na pasim tok long bung wantaim ol papagraun, na Sentrel provinsel gavman long Fraide long dispela wik.

Em i tok insait long dispela kibung, ol bai makim de, ples na taim bilong sekim MOA bilong Tolukuma projek na painim aut wanem samting ol i ken senisim.

Mista Naime i tok Dipatmen bilong Main i bin stat baim ol papagraun bilong Tolukuma Gol projek stat long 1996 yet i kam inap long dispela yia.

Em i tok Gavman i save baim ol papagraun royalti pe bilong amas gol, kampani i save salim i go ovasis. Sapos kampani i salim planti gol i go ovasis, Gavman i save baim ol papagraun, moa mani. Tasol sapos prais bilong gol na amas gol ol i save salim i go daun, royalti pe tu i save go daun.

Mista Naime i tok stat long 1996 i kam inap long dispela yia, Dipatmen bilong Main i save baim ol papagraun samting olsem K21,000 long wan wan mun. Em i tok sampela taim dispela mani i save go antap, na sampela taim dispela mani i save go daun.

Em tok tu olsem Tolukuma Gol projek em i no liklik main. Nogat. Em i kam aninit long Main Lis.

Em i tok Gavman i bin givim laisens long Tolukuma Gol projek aninit long Main Lis bikos wok painim i soim olsem Tolukuma Gol projek i gat planti gol aninit long graun na tu laip bilong dis-

pela main bai i stap long longpela taim.

Aninit long MOA bilong 1997, Nesenel gavman i tok orait long baim olgeta royalti Tolukuma Gol projek i save mekim na givim long Dipatmen bilong Main i go long Sentrel provinsel gavman.

Dispela MOA i tok Sentrel provinsel gavman bai kisim 20 % bilong dispela royalti mani na givim 80 % i go long ol papagraun husat i givim graun bilong ol i go long kampani long mekim wok bilong main.

Insait long dispela 80 % royalti mani, 60 % em ol bai skelim gut i go namel long tripela klen (Hameng, Yaulo, Yangam) bilong Yulai; 30 % i go long Yulai Tras Fan Akaun bilong pikinini i kam bihain na 10 % i go long Yulai Papagraun Asosiesen.

Antap long dispela, Tolukuma Gol projek i givim Spesel Sapot Grant mani bilong 1996 na 1997 i go long Sentrel provinsel gavman bilong karim aut ol projek Nesenel gavman i tok orait long kamapim.

Mista Naime i tok i kam inap nau Sentrel provinsel gavman i no yusim mani bilong Spesel Sapot Grant long kirapim ol projek insait long main eria.

Em i tok tu olsem Tolukuma main i bin helpim ol papagraun long kamapim tu wanpela lokal kampani bilong ol yet, ol i kolim Tolukuma Invesmen Proprieti Limited. I kam inap nau Mista Naime i tok, dispela kampani i no ronim gut wok bilong ol.

Wantok i no inap go long Tolukuma main long sekim ol dispela toktok Mista Naime na ol papagraun i mekim na ol toktok i stap insait long MOA long lukim sapos ol wok insait long MOA i kamap tru o i no kamap.

# Moa long 4,000 Wes Nu Briten pipel i stap long kea senta

OL PIPEL long Wes Nu Briten husat i stap long nambis eria we i stat long Nantabu long Is Nakanai i go olsem long Buludawa long Talasea i kisim tok lukaut long was gut taim ol i raun long solwara bikos solwara i ken go bikpela bihainim Maunten paia Ulawun we i bin pairap las Fraide.

Toktok i kam long siaman bilong provinsel disasta komiti Egon Vava husat i tokim ol pipel long harim gut redio na lukluk gut long level bilong solwara na hau ol animel i stap long en olsem mak long luksave olsem birua i stap klostu.

Klostu 4,000 pipel i stap nau long tripela kea senta long Wes Nu Briten provins bihain long maunten paia Ulawun i bin pairap long las wik Fraide, ol ripot i kam long Kimbe i tok.

Maun Ulawun i stap long Ulamona eria na ol ples klostu i kisim taim tru bikos bikpela pipia na paia i wok long pondaun na

karamapim ol eria klostu long en.

Guria i wok long kamap klostu klostu long provins, ol ripot i tok.

Tripela kea senta long Bialla i sanap pinis na em long Bakada. Soi na Kabala i

Provins i stap long Stej 2 was.

Ol atooriti i pasim ol skul we i stap long birua eria na ol i putim tambu long strongpela dring tu.

Provinsel Disasta Komiti i bin bung wantaim Gavana Clement Nakmai na em bin tok gavman i gat wok long lukautim ol pipel husat nau i stap long hevi.

Ol woklain bilong provinsel edministresen na ol plis i i go long Bialla bilong go pas long ol wok bilong lukautim ol pipel husat i lusim ol ples bilong ol bihainim dispela hevi bilong maunten paia Ulawun.

Ol i salim ol rilif kaikai na marasin long ol pipel insait long tripela kea senta long Bialla.

Ripot i tok i kam inap nau, nogat bagarap i kamap tasol ol atooriti long provins na pipel i was na sambai i stap.

Long wankain taim pasin we sampela lain i bin stilim na bagarapim ol masin bilong monitaim maunten paia long Karkar Ailan insait long Madang provins bai kamapim hevi long rot bilong luksave na givim kwik ol toksave olsem maunten paia i stap long hevi, opis bilong Hai Komisin bilong Australia i tok.

Opis i tok Rabaul i bin luksave long hevi long Maunten Ulawun long Wes Nu Briten bikos ol masin bilong monitaim ol wok bilong maunten paia long hap i bin soim birua long masin bilong ol. Na olsem ol bin salim toksave long ol pipel long Wes Nu Briten husat i stasp klostu long birua eria long lusim ol ples bilong ol na go long ol seif ples.

# Ahi pipel autim wari long graun bilong ol

OL Ahi papagraun isnait long Lae siti i autim bikpela wari na belhevi bilong ol long graun bilong ol we ol setelmen na developmen bilong gavman na ol bisnis i kamap long en.

Long Mande dispel wik ol Ahi papagraun i holim bikpea bung ong Lae na autim ol wari na belhevi bilong ol i go long gavman bilong Morobe, memba bilong ol na Minsita bilong Trensport na Sevil Eviesen Bart Philemon na ol saeman bilong graun na ol kain hevi olsem. 6-pela klen grup olgeta em long Yalu Butibam, Kainkumung, hengali, Wagang na yanga i kamap wantaim ol toktok bilong ol we ol i sutim i go long gavman.

Mausman bilong Wagang i tok strong olsem gavman na husat ausait lain i laik aigris long graun bilong Ahi pipel i mas gat bikpela rispek pastaim long ol klen Idia. Bihain gavman i mas kamapim masta mak o sevis long olgeta graun na boundri bilong Ahi na rejistaim.

Em i tok bihain ol i mas soim blok bilong w nwan klen na famili bai ol i ken kisim helpim o sevis long en na taim dispela i kamap bai ol Ahi membas yet i ken stretim belhvi na wari namel long ol yet. Tasol wanpela poin mausman bilong Waga i sanap long en em ol setelemen antap long graun bilong Ahi i noken tru kisim ol gavman sevis.

Ekting edminsitreta bilong Morobe provins Manasupe Zuerenuoc i tokaut

olsem olgeta poin ol 6-pela Ahi klen i sanap long en i wankain olgeta. Tasol apsin ol i mekim o wanem samting. Ol i mekim i narakin long ol yet we i save kamapim belhevi namel long ol 6-pela klen membas yet. Olsem na em i laikim ol i mas stretim ol yet nau. Mista Zurenuoc i tok olsem Ahi gat ol klen na i sae brukim na skelim graun bihainim pasin bilong toktok wantaim na wanbel wantaim. Em i tok ol klen lida i mas bihainim na glasim gut sapos dispela wanbel bilong givim gaun i bihainim rul bilong givim gaun.

Mista Zurenuoc i tok i gat ol agrimen bilong bipo i stap na ol Ahi pipel i ams skelim gen na lukim sapos sampela i mas i gat senis. Em i tok ol poin bilong ol Idia i soim tu olsem ol i laikim ivelopmen we ol tu i mas stap insait na wok wantaim gavman o hsuat arapela we ol i no laik salim graun tasol ol i laik yusim gut graun long kamapim developmen.

Mista Zurenuoc i tok narapela poin bilong ol Ahi em ol i laikim wanpela lokal levul gavman o ilektooret bilong ol yet bikos 6-pela kona bilong Ahi i join wantaim arapela ilektooret bilong Morobe provins. Dispela em i bikpela wok tru na ol lain i lukautim dispela i ams skelim na tokaut long en, em i tok.

Ekting edminsitreta i tok dispela bung bilong ol. Ahi papagraun iw anpela bikpela bung tru na inap kamapim klia polsi bilong ol Ahi pipel na graun bilong ol.

# TOR TOO

OL PORO I LAIK DINAI LONG BUAH TASOL TORO I LES...

KAMON MAI BRO!.. MI DINAI WANDELA BUAH TASOL...

AAH BUIH! KIA I GO.. NU NO SAVE BEKIM!

I NO LONG TAIM WANPELA BIKPELA HAIWE TRAK IKAM GNIM LONG HAIWE...

GUPPELA TRU!.. BAI MI STOPIM OL LONG BAIM BUAH BILONG MI.. HE..HE!

EM RON I KAM KLOSTU LONG TORO NA WANPELA SIDU I SUT IKAM ALIT LONG TALA...


STOP! KAM BAIM BUAH, SOT TASOL!


NA GNIM GUT WAN LONG KURU BILONG TORO... BAGA NOGUT HAP INDAI...

SANS, YA... OLGETA MAN I GO NA KISIM FRI BUAH NA TEK-OFF...


SANS, YAH! FRI BUAH!.. TENKS, TORO!!

TARANGU TORO I NO SAVE, EM HAP INDAI NA SILIP YET...





# NIUGINI AILAN NIUS



## Keravat kalabus tingting long larim ol kalabus lain go wiken

WALTER DARIUS i raitim

KERAVAT haus kalabus insait long Is Nu Briten i bin larim i go fri 12-pela kalabus lain long makim 25 independen aniveseri bilong kantri.

Ilevenpela em ol man na wanpela meri i bin go fri long go bek long ol famili bilong ol.

Nem bilong ol dispela lain ya em Wesley Kopman, Anton Kukup, Anton Kakadap, Ausim Resin, Diola Tokoah, Christopher Kiapson, Lucas Tati, John Tomungai, July Tilmal, Nicholas Minemar, Eroi Topui na meri em Maggie Varo.

Ol bin larim i go fri ol dispela kalabus lain bihain long Minista bilong Jastis Kilroy Genia i givim spesel laisens long lusim ol i go.

Bos bilong ol Keravat haus kalabus Kelly Karella i tok ol bin glasim na skelim dispela 12-pela

kalabus lain long go fri bihainim wanpela program we aninit long en ol bin senisim pasin bilong ol long kamap gutpela.

Em i tok aninit long dispela program, ol i glasim ol na bihain putim ripot i go long nesanel gavman bilong givim tok orait bilong em.

Em i tok wanpela bikpela samting ol i yusim long glasim ol dispela kalabus lain em gutpela pasin na tu laik bilong em long senis na stap gut insait long komyuniti.

Twelvpela eks kalabus lain ya em ol bin wokim ol kain rong olsem stil pasin, kamapim bagarap long narapela na kilim dai narapela man. Planti i gat sampela krismas yet i stap bipo ol i pinisim taim bilong ol taim sampela i gat tu na tripela mun tasol i stap.

Mista Karella i tok tu olsem em i tingting long statim spesel wiken

we ol kalabus lain i ken lusim haus kalabus na go stap ausait wantaim ol lain bilong ol. Dispela em long neks ya.

Em i tok aninit long dispela, husat kalabus manmeri i laik go long ol famili na haus lain long wiken bai i go bihain long em i aplai na kisim tok orait long go bek long haus kalabus long Sande apinun.

Em i tok ol bai lukluk pastaim long ol kalabus lain bilong Is Nu Briten husat i gat pamanen etres na ples we ol i ken go long en na i stap klostu long Keravat.

Tasol em i tok i gat sampela samting we ol kalabus lain i mas soim long ol atoriti na ol i ken belgut na luksave long ol long salim ol i go aut lusim haus kalabus long stap wantaim ol famili bilong ol.

Mista Karella i tok em bai kisim tingting long pablik long dispela samting bipo em i go het na karimaut dispela samting.

## Gavman mas daunim takis long ol sponsas

I MOABETA long givim konsesen o daunim takis fi long ol kampani o bisnis haus we i save sponsarim ol sevis i helpim komyuniti olsem helt, skul na spots (pilai), olpela Praim Minista na Kokopo palamen memba Sir Rabbie Namaliu i tok.

Sir Rabbie i bin wokim dispela toktok long bung we ol bin holim long Kokopo bilong opisel opening long 2000 nesanel Osi Rul pilia resis.

Em bin tok gavman i no save givim gutpela fanding sapot long spot pilai insait long kantri, maski ol spot administreta na ol spot kosa i mekim bikpela hatwok long skruim spot.

Sir Rabbie i tok hatwok we ol spot administreta na kosa i mekim i gutpela sain na dispela i soim olsem spot i gutpela samting bilong kamapim strongpela na helti sosaiti.

Em i stap olsem gutpela hop long bihain taim.

Sir Rabbie i tok sapos gavman i no inap long givim moa sapot long sait bilong mani long spot na gutpela sevis, i moabeta long daunim takis long ol bisnis we i save sponsaim komyuniti na ol eria olsem helt na spots.

Em i tok ol pipel bilong PNG i save laikim spot tasol yumi i mas givim moa sapot.

Em i tok i nogat inap ples bilong ol pilai bilong yumi tasol moa yangpela i wok long go insait long ol pilai resis long kantri. Olsem i gat nit long gavman na komyuniti i givim moa sapot long pilai.

Moa long 10-pela Osi Ruls senta insait long kantri i bin salim ol pilai bilong ol long sempionsip we i bin kamap long Is Nu Briten tupela wik i go pihis.



### Pis em bun ya!

• Tripela man Watom Ailan long Is Nu Briten i salim pis bilong ol long Tallii Frisa Pilapila long Not Kos bilong Is Nu Briten. File piksa.

## Silva Jubili awod i wansait

WANPELA bikman bilong ples Vunamami klostu long Kokopo insait long Is Nu Briten i tok ol lain husat i awodim ol silva jubili medal i go long ol lain long provins olsem mak bilong luksave long gutpela wok i go long komyuniti i wokim wansait disisen.

"Ol awod em ol wansait na ol i givim i go long ol rong man," Hosea ToLuaina em wanpela bikman long ples Vunamami i tok.

Em i tok pasin we ol atoriti i mekim i long makim ol man bilong kisim ol luksave medal long taim bilong independen anivesari i no gutpela bikos em i no makim ol lain tru husat inap long kisim medal long en.

Mista ToLuaina i kwestenim rot we ol atoriti i bin bihainim long mekim ol awod na i askim Ivens Komiti bilong Is Nu Briten Provinsel Gavman long tok klia watpo na ol i no kisim nem bilong ol man husat i mekim gutpela wok long olgeta seksen bilong komyuniti long glasim, skelim ol na bihain long ol dispela, ol i ken makim husat tru bai kisim awod long en.

Em i tok long tingting na lukluk bilong ol grasrut, disisen i wansait na ol bin makim ol gutpela poroman bilong ol tasol long kisim ol awod.

Em i tok i gutpela moa sapos ol i

givim awod i go long ol lain husat i mekim ol gutpela wok na givim taim na laip bilong ol yet long helpim komyuniti na kantri.

Em i tok planti tisa na ol eks tisa, moa politisen na ol eks politisen, ol pren na ol hauslain, planti i no sapos long kisim luksave tasol i bin.

Em bin tok ol lain we inap long kisim luksave em ol dispela husat i bin pait hat long kantri i kisim selp gavman na independens na dispela em ol lain i bin stap insait long Mataungan Asosiesen na Warbete Kivung.

Em bin tok sampela long ol pipel husat i kisim medal i gat nem nogut yet. Dispela em ol politisen na ol eks politisen.

"Watpo na ol i kisim yet luksave?" Mista To Luaina i tok.

Mista ToLuaina i tok planti lain husat i kamapim ol gutpela samting long kantri long sait bilong musik, olsem ol musikman, ol spot pilai, ol lain i wok long hotel na turisim bisnis na prin na ilektronik midia.

Em bin tok Is Nu Briten i gat planti gutpela musikman olsem Barike Ben, George telek, Pati Doi na John Wong husat inap long kisim luksave long gutpela wok ol i mekim long sait bilong musik long apim nem bilong provins insait long kantri na ovasis.

## WANTOK NIUSPEPA BILONG OL PNG STRET

P. O. Box 1982, Boroko  
Telepon namba: 325 2500  
Feks namba: 325 2579

### PE BILONG WANPELA YIA 52 NIUSPEPA

PLES	AIR
PNG	K 60.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00

## Wes Nu Briten plis kisim nupela ka na kompyuta

OL PLIS insait long Wes Nu Briten i bin kisim tupela nupela ka na ol arapela samting las wik bilong helpim ol long karimaut wok bilong ol long lukautim lo na oda long provins.

Gavana bilong Wes Nu Briten Clement Nakmai i bin prisenim tupela ka na wanpela kompyuta i go long Plis Dipatmen bilong Wes Nu Briten ;as wik insait long wanpela seremoni.

Pe bilong ol dispela samting em klostu long K100,000. Pe bilong tupela ka em long K86,0000 na pe bilong kompyuta masin em inap long K8,000. Olgeta ol dispela samting em provinsel gavman i baim.

Taim em i givim ol samting, Mista Nakmai i tok em i luksave long hevi we ol plis i gat wantaim mani na tu taim ol i karimaut ol wok bilong ol, moa yet long sait bilong ol ka na ol arapela samting bilong yusim long mekim wok long en.

### Biabia

BIABIA RAUN I GO LONG RAINBOW ESTATE LONG LUKIM OL PORO BILONG EM LONG HAP...

MIGO LUKIM JOE LONG RAINBOW...




EM KUKIM EKSPENSIV KAR I GO INSAIT...

VROOONN!!



HE! HE! HE! BAI MI SOIM OL RAINBOW HUSAT EM KING OF DA ROD!

BAGA INO SAVE OLSEM OL ROT LONG HAP I BAGARAP NA PLANTI POT-HOL TUMAS!!!




BAGA KISIM TAIM.. TANA ROD I KAMAUT SIVI JOIN I KAMAUT, SPRING I BRUK..




HAHA!! MAI KAARR!!

HAI HA! HA! YU GAT MOA?

TOU TRAK IKAM NA KARIM KAR I GO..



# SEPIK NIUS



## Wok painimaut long Moem na Taurama Bareks trabel

PASIN we ol soldia i bin wokim long kukim Moem Ami Bareks hetkota long Wewak Is Sepik long Septemba 16 i wanpela long tupela investigesen o wok painimaut we ol atoriti bai wok long en. Narapela em long hevi i bin kamap long Septemba 23 taim wanpela soldia long Taurama aml Bareks ausait long Mosbi i dai na ol soldai i pait wantaim ol pils long Boroko.

Ol ripot i tok PNG Difens hetkota long Mari Bareks i go pas long ol wok painimaut long dispela tupela samting we ol soldia i stap insait long en.

Eking PNG Difens Fos Komanda Brigadia Carl Malpo i tok Nesenel Eksekutiv Kaunsil i odaim ami long karimaut wanpela wok painimaut long dispela tupela samting na ol bai sasim ol dispela soldia husat i bin stap insait long ol trabel ya. Long samting we i bin kamap long Sekon Pasifik Ailan Rejimen (2IPR) long Moem Bareks long Wewak, Is Sepik long Septemba 16 taim kantri i wok long amamasim 25 independens aniveseri bilong PNG, wanpela grup bilong ol soldia i bin belhat taim ol i go bek long mes o ples bilong kalkai na ol i painim olsem ples i pas pinis. Na ol bin kukim hetkota na ol opis we i bin gat ol rekot na ol arapela bikpela samting long en.

Long Mosbi, ol soldia bilong Taurama Bareks i bin go long Boroko pils stesen na birua wantaim ol pils long hap. Dispela em long Sarere moning Septemba 23. Ol i wokim olsem bihain long wanpela soldia i dai na ol i sulum tok long pils long killim em dai. Brigadia Marpo i dairektim Eking Slef bilong ol Staf Kenel Reginald Renagi bilong go pas long dispela wok painimaut.

## Wol Tred fores polisi bai ino helpim PNG

OL TRED polisi bilong Wol Tred Ogenisesen (WTO) long salt bilong fores bai ino inap helpim ol liklik kantri olsem Papua Niugini. Konsavesen Melenesiya em wanpela NGO grup i tokaut long dispela long wanpela bung aste. Bung i bin tokaut long sampela tok-tok i bin kamap long wanpela wol bung long ol forestri we i bin kamap long Seattle long Yunaited Stets bilong Amerika (USA).

PNG wantain ol arapela kantri long wol i bin stap long dispela bung long painim aut ol rot longgo insait long intanesenel tred wantain ol fores long wol na long ol rot bilong lukautim ol na bai ol i stap longpela taim. Adelbert Gangai i bin makim PNG long dispela bung. Ol lain bilong Konsevesen Melenesia i bin makim em long go.

Mista Gangai i tok olsem dispela nupela wol oda o tingting i no gutpela tumas long PNG na ol lain long ples husat i save lukautim ol risos. Em i tok olsem PNG i mas painim ol arapela rot long kamapim developim bilong helpim ol pipol long en.

Wol Tred Ogenisesen (WTO) em grup we PNG i wanpela memba long en i laik brukim ol globel tred banis long ol naturel risos. Long wanpela stemen Konsavesen Melenesia i tok olsem em i namba wan taim bilong ol long i laik kamapim wok bung pasin bilong wokim bisnis wantaim ol arapela kantri long wol we bai bungim ol ikonomi bilong olgeta kantri wantaim na serim ol samting bilong ol.

"Sapos ol i rausim olgeta banis we i save pasim tred namel long ol kantri, wok bung pasin bai helpim long kamapim strong intanesenel tred na invesmen.

## Fores dipatmen opim tendas bilong Amanab FMA

JOE KANEKANE i  
raitim

TENDA komiti bilong Fores dipatmen i kisim pinis na skelim olgeta tenda bilong Amanab FMA long West Sepik provins.

Bihain long planti yia we ol wokman i wok long putim olgeta pepa, ol tenda i kamap pinis na klostu nau bai wanpela disisen i kamap long husat kampani bai wokim wok long dispela prosek.

Menesing daireka bilong Nesenol Fores Sevis Thomas Nen i tok em i amamas olsem olgeta pepa wok long dispela prosek i redi na wanpela bikpela timba prosek bai tek ov long dispela hap.

Dispela prosek i stap long Amanab distrik bilong Wes Sepik provins na em i gat foapela blok olgeta.

Prosek bai kisim olsem 35 yia olgeta na dispela eria i gat planti diwai Taun an Kwila i nambawan long wol.

Amanab i wanpela eria bilong kantri we no gat planti bikpela senis i kamap na dispela prosek bai karim planti halivim i go long kamapim developmen long dispela hap.



Menesing Dairekta bilong Nesenol Fores Atoriti (NFA) Thomas Nen, nambatu long lephan i toktok wantaim loya bilong NFA, Jackie Boga taim ol wokman opim tenda doks. Foto: IVAN BAYAGAU.

## Ol Murik Lek pipel givim luksave long Dokta Yamuna

KALSA na pasin tumbuna em bikpela samting na PNG i mas lainim ol taim ol i stap long skul we ol waitman i bringim long yumi, Maining na Bogenvil Afeas Minista Sir Michael Somare i bin tokim wanpela bung long ples Mendam long Murik Lek eria insait long Is Sepik long dispela wik.

Ol bin holim wanpela seremoni long kisim Dokta Linus Yamuna bilong ples Mendam olsem wanpela bikman i go long "Hausman" bilong ol Murik Lek pipel. Dispela em long luksave long en long bikpela skul na wok em i gat na tu ol i lukim em olsem wanpela bikman bilong ol long pasin kastam.

Dokta Yamuna i bin pinisim bikpela skul long Amerika na kisim Dokta long Edukesen.

Long toktok bilong em insait long dispela seremoni, Sir Michael i bin tok em i bikpela samting long save long ol pasin tumbuna, we yu kam long en na ol husat em ol hauslain bilong yu na klasa wantaim tu. Dispela ol samting i bikpela na i wankain long man o meri i go long bikpela skul na i kisim bikpela dokta digri.

Em i tok samting we ol tumbuna bilong yumi i givim long yu em yumi mas holim pas na skulim long ol pikinini na tumbuna i kam long bihain taim.

Em bin tok taim yumi ago insait long nupela milenium, yumi mas noken lus tingting long kalsa na tumbuna pasin. Ol i mas go wantaim edukesen o skul yumi kisim na bai gutpela.

Em bin tok tripela pikinini bilong en bai i go insait long pasin kastam we ol i mekim ol olsem bikman long mun Desemba insait long wanpela seremoni.

Tripela em Arthur, sana na Michael Junia. Ol bin stap tu long witnesim dispela seremoni long mekim Dokta Yamuna i kamap olsem bikman long Murik Lek pasin kastam.



• Ol ples lain long hap bilong Is Sepik provins i bilas na redi ol yet long amamasim wanpela kastom bung bilong ol.

**trukai**  
RICE



SAPOS NAMBA BILONG YU ISTAP LONG HIA! YU WINIM K200

R00239540 D00413051 R00263603 B00478190  
C00509233 B00524762 B00324360  
E00069955 E00022568 F00304275



LONG KISIM WIN MONI BILONG YU, SALIM LAKI PAK IGAT WIN NAMBA IKAM LONG TRUKAI INDUSTRIES, P.O. BOX 380 PORT MORESBY.



# SAUTEN



# RIJON



## Givim moa takis pawa long ol Lokol Level Gavman

PALAMEN i mas lukluk gut long ol lo bilong Provinsel na Lokol Level Gavman na stretim lo bilong givim wan wan LLG moa pawa long kamapim takis mani blong em, Reuben Guma em wanpela kaunsela bilong Kwikila LLG insait long Rigo eria long Sentrel provins i tok.

Mista Guma i tok dispela bai inap long

helpim ol wan wan LLG long kirapim ol wod projek bilong ol.

Em i tok planti taim ol LLG i save wet longpela taim long nesanel gavman long givim mani long kirapim ol projek tasol planti taim dispela mani i no bikpela bilong pinisim olgeta projek we LLG i laik wokim insait long wan wan wod. Em i tok sapos palamen i

oraitim lo long LLG bilong kamapim takis mani olsem het takis we ol bin save kisim bipo long taim bilong koloniel gavman em bai helpim ol LLG long wokim gut wok bilong ol.

Em i tok sampela LLG long ples i kloatu pondaun na wok rifom i bagarap long wanem mani i kam long nesanel gavman i no bikpela

long karimaut olgeta wok. Na sampela taim tu ol i no save salim kwik mani na dispela i bagarapim plen bilong ol LLG.

Mista Guma i laikim ol palamen memba long tingting gut na taim palamen i sindaun ol i mas toktok strong na stretim dispela hevi bilong ol LLG long givim moa takis pawa long ol.

## De La Salle rausim ol boda bikos mani i sot

### WINIS MAP i raitim

DE LA Salle Hai Skul long Bomana ausait tasol long Mosbi siti long las tem i bin bungim hevi long mani i sot na salim ol boda sumatin i stap aut long ples na go skul.

Dispela em bikos skul i nogat inap mani long lukautim ol lukautim ol.

Mak bilong ol boda sumatin long De La Salle long dispela yia em 160.

Prinsipal bilong skul Leo Maia i tok ol i wokim dispela bikos skul i no kisim subsidi mani long taim ol atoriti i tok long givim na dispela i bagarapim baset plen bilong skul long dispela yia.

Tu long stat bilong las tem, ol bin salim ol boda i go long ples

long sampela wik taim wanpela boda sumatin i dai.

Mista Maia i tok ol no bin kisim hariap ol Jun na Julai subsidi mani na skul i bin ovarim mak long yusim baset mani.

Skul i bin wokim ol arapela arenjimen long skruim operesen bilong em na wanpela em long salim ol sumatin i go long ples na stap wantaim ol papamama na ol lukaut papamama na go long skul olgeta de.

Em i tok maski skul i kisim subsidi mani bilong Jun na Julai dispela i no inap long karamapim ol operesen kos we skul i bin wokim taim em i wetim ol peimen bilong tupela mun ya.

De La Salle i bin kisim K32,000 long nesanel gavman bilong namba wan na namba tri kwata

taim Nesanel Kapitel Distrik Komisari i lukautim namba tu na foa kwata. NCDC i save peim K7,000 olsem kontribusen bilong em long wan wan mun i go long skul.

Mista Maia i tok ol i save yusim samting olsem K20,000 long lukautim skul insait long wanpela mun na ol subsidi mani mak we ol i katim i no inap long ranim boding skul insait long siti bikos pe bilong ol kaikai na ol arapela samting i antap tumas.

Skul i kisim bek ol boda long stat bilong Tem foa long dispela wik tasol long wankain taim tu Mista Maia i tok hevi bai ino inap long stret long dispela yia.

Em i tok sapos hevi i no stret long dispela yia, skul bai daunim ol fi long ol boda sumatin we hevi i karamapim ol long dispela yia.

## Planti liklik kontrakta long NCD na Sentrel provins i nogat wok

### KENNEDY EDENE i raitim

MOA long 1,500 ol liklik kontrakta insait long Nesanel Kapitel Distrik na Sentrel provins nau i lusim wok bilong ol bikos ol i nogat wok.

Mekim na moa long 30,000 wokman ol nogat wok.

Ol dispela wokman em ol memba bilong Sentrel Kontraktas Asosiesen.

M an husat i go paslong Sentrel Kontraktas Asosiesen na Menesa Dairekta bilong Kois Konstraksen John Orea i tok ol dispela ol kon-


trakta i nogat wok long sikspela mun nau.

Planti ol dispela kontraktai gat trak bilong karim pipia, ol bikpela masin bilong haia, wara trak na ol masin bilong stretim olhul long rot.

Planti bilong ol bai lusim ol masin bilong ol, ol ka we ol ino baim bek dinau long ol bikos ol beng bai kisim bek ol, Mista Orea tok.

Mista Orea tok gavman i mas traim na lukluk gut long ol dispela samting bikos ol pipel i mas gat rot long kisim mani long en bilong lukautim ol yet na ol famili bilong ol. Stap insait long ol wok olsem i save stapim ol raskol pasin.

## FODA i luksave long Hornibrooks NGI



• Disebal Raymond Gaigo sindaun na Rosemary Unami i sanap wantaim ol wokman bilong Hornibrooks NGI. Long taim Hornibrooks NGI i kisim setifiket. Foto: IVAN BAYAGAU.

### IVAN BAYAGAU i raitim

WANPELA asosiesen husat i save helpim ol trangu insait long kantri, em Friends of the Disabled Association (FODA) o poroman bilong ol trangu asosiesen i luksave long wanpela kampani husat i givim bikpela helpim long wok bilong asosiesen.

Long dispela wik FODA i soim bikpela amamas long wanpela bikpela kampani insait long PNG, Hornibrooks NGI long helpim bilong ol, we ol i bin givim i go long FODA inap long 6-pela yia nau. Siaman bilong FODA, Mista Winston Jacob i bin givim wanpela kain setifiket i go long menesin dairekta bilong Hornibrooks NGI, Mal Lewis long luksave long helpim bilong ol.

Mr Jacob i tok dispela setifiket i mekim Hornibrooks NGI kampani olsem em i gold memba insait long FODA asosiesen bikos long dispela 6-pela yia Hornibrooks NGI i bin givim moa long K2000 na tu em i save givim ol narapela kain helpim tu olsem nau yet em i kisim tupela trangu man na meri long kamap olsem wokman bilong Hornibrooks.

Menesing Dairekta Mal Lewis i tok em i tru olsem Hornibrooks NGI

i bin givim dispela kain helpim moa long 6-pela yia i go. Em i tok nau yet em i kisim tupela trangu, Raymond Gaigo (i no save wok-about na tu em i no toktok gut) na Rosemary Unami (husat i gat liklik bagarap long tupela ai bilong em) long wok long akaun dipatmen bilong Hornibrooks NGI Mosbi brans.


Mista Lewis i tok olsem pastaim em i ting olsem ol narapela wokman bilong em bai gat planti hevi long wok wantaim tupela tasol nogat, tupela ya i wok nogat hevi na ol i wok wankain olsem narapela wokman. Raymond i wok olsem kuskus na tu em i save long putim rekod bilong wok i go long kompiuta na Rosemary i save wokim kainkain wok olsem stretim ol failin sistem, mekim kofi na tu stretim opis bilong ol narapela wokman.

Mista Lewis i tok, em i save mekim wankain pasin i go long tupela olsém em i save mekim long ol narapela wokman na tu em i tok em i laik lukim ol narapela kampani i mas traim mekim wankain pasin we ol i ken kisim ol trangu long wok insait long kampani bilong ol. Hornibrooks NGI tu i givim wanpela opis spes insait long banis bilong ol i go long FODA long yusim olsem opis long wokim wok bilong ol.



## Ol i smail gut tru!

• Sampela ol pikinini long ol ples insait long Sentrel provins i amamas i stap long ples. File foto.



# HAILANS



# NIUS



## Ol Hagen Katolik meri holim tripela de reli

OKSILERI Bisop bilong Hagen Douglas Young i tok pasin bilong bagarapim raits bilong ol meri i stapim ol long go fowed long stap insait long ol kain developmen long kantri.

Bisop Young i bin mekim dispela taim em i etresim wanpela Reli 2000 we ol Katolik Wimen grup i bin holim long Hagen long las wiken.

Em bin tok ol hevi we i karamapim pasin bilong daunim raits bilong ol meri em pasin bilong bagarapim meri (rep), mak bilong ol meri long edukesen i stap daunbilo long ol man, ol meri i no kisim gutpela lukaut long helt, pasin bilong paitim meri, pasin pamuk, piksa nogut, marit i bruk na ol arapela samting moa olsem.

Bisop Young i bin tokim ol meri olsem sans bilong ol long go het na ol rait bilong ol i wok long go

daun na i no luk gut bikos long ol dispela samting.

Em bin tok ol ripot long dispela samting i kamaut long wanpela wok sevei we wanpela grup i bin karimaut long en.

Em bin tok narapela samting tu em pasin kastam long PNG we ol man i gat moa pawa na ol i bos long ol meri we i wok long stapim ol meri long muv fowed.

Deputi Presiden bilong Nesenel Katolik Wimens Federesen Meggie truwai i tok dispela em namba wan taim Hagen Daiosis i lukautim bung bilong ol Katolik Wimen stat long taim ol i bin kirapim grup long 1987.

Het tok bilong reli em "Hollistic Approach to respect Women in the New Millenium" o long Tok Pisin em i min olsem "Santu pasin long luksave long ol meri

long nupela milenium".

Moa long 2,000 Katolik meri bilong olgeta hap bilong provins na hailans i bin bung long tripela de stat long las Fraide na ol i mas holim ol bona bilong eria na wan wan provins bilong ol.

Ol meri i bin reli i go inap long Rebiatul Katolik Misin ausdait long Hagen siti we Asbisop Michael Mier i bin opim reli long en.

Bipo long dispela, ol meri i bin sindaun long wanpela wik Pesenel Vaiability kos ol i bin holim long Rebiatul.

As tingting bilong holim kos ya em long givim skul long ol meri bilong lukautim gut ol famili wantaim wanem liklik risos o samting ol i gat long en.

Olgeta meri i bin slip long hap bilong Hagen Asdaiosis inap long Sande taim ol i pinisim reli.

## Ol Nebiliyer Veli wanpisin redim ol sekan seremoni

BEL isi na sekan pasin i kamap namel long ol pait wanpisin long Nebiliyer Veli insait long Sauten Hailans na ol pipel bai sindaun gut gen.

Ulga-Upka na Kulga-Tilga wanpisin long sampela yia nau i wok long birua namel long ol na sampela man i dai, ol narapela i kisim bagarap taim planti samting i paia, lus na bagarapinsait long ol hevi ol i stap long en.

Nau yet, ol wok redi i go het long holim wanpela bikpela sekan na bel isi seremoni namel long ol Ulga-Upka na Kulga-Tilga wanpisin.

Ol i wokim olsem bihainim wanpela agrimen we ol i bin kamap wantaim long las yia na ol i bin pinis long pait wantaim wanpela arapela.

I no long taim i go pinis, ol lain Ulga wanpisin i bin wokim kompensesen seremoni namel long ol yet we ol Ulga Kunulga wanpisin i peim K10,000 na 206 pik i go long Ulga

Pinga wanpisin bihainim faipela man bilong ol i dai long ol pait namel long ol.

Ol lida bilong ol pait i wanbel long kamapim bel isi pasin na sekan namel long ol yet bipo ol i peim kompensesen wantaim ol birua bilong ol long narapela wanpisin grup.

Ol Ulga na Upka wanpisin i redi long kamapim bel isi na peim kompensesen.

Ol ripot i tok ol Kulga i wok long redi bilong kamapim wankain pasin .

Planti lida i wari olsem pait na hevi i bagarapim ol wok developmen na sindaun long veli na tu kamapim ol birua namel long ol.

Long Jun 1998, ol pipel long Sauten Hailans i bin peim K43,000 i go long ol pipel bilong Nebiliyer veli long kamapim bel isi pasin na gutpela sindaun long veli we trabel i bin stap long en.

## Nogat interes tumas long Goroka So

LONG tingting na luksave bilong planti lain man na meri husat i bin kamap na lukluk long Goroka so, ol i tok interes bilong so i go daun tru.

Wanpela olupela provinsal politisen bilong Isten Hailans, Samuel Kuso i tok long ol yia i go pinis long 1990 na i go bek, so bilong Goroka i save kamap gut tru na i save pulim planti lain manmeri long Papua Niugini na ovasis tu i save kapsait i kam antap long tok pait na witnessim dispela so.

Em i tok kain kala bilong Goroka So i go hait olgeta long 1990 na i kam antap long 2000.

Mista Kuso i tok So ya i no kamap gut bikos planti bisnis sekta i no go insait long wanem ol i luksave tu olsem taim ol i go insait long sapatim mani ol i save

givim em ol ogenaising komiti bilong So ya i save o paulim.

Em i tok long las tupela So na dispela 2000 So i no planti singsing grup long ol arapela provins kamap na tek pat.

Bipo long taim i gat bikpela interes ol kainkain singsing grup wantaim kainkain stail i save i go insait na kirapim bikpela das tru. planti grup ya i save i kam long ol provins olsem Morobe, Madang, Manus, Sepik, Oro, Milne Be, Westen provins, Is Nu Briten, na ol arapela moa provins.

"Mipela i no lukim ol kain gutpela stail singsing bilong ol Tapioka (Morobe), ol Mekeo long Sentrel provins, ol Manus garamut danis na ol paia danis bilong Is Nu Briten," Mista Kuso i tok.

Planti ol kampani i no kamap na putim aut ol prodak bilong ol.

Ol kampani olsem Ramu suga, Nestles, PNG Motors, Angco, na ol beng olsem Wespec, PNGBC na ol Kopi kampani olsem Goroka Kopi Produsa, Niugini Hailans Kopi ekspots, Arabika Kopi na ol arapela kampani moa.

Long komyunikesen, Telikom, Post PNG na ol Redio Stesin i no kamap na tekpat. Na planti ol arapela Institusen, skul na koles i no kamap na putim aut ol save bilong ol long So.

Wanpela viles lida meri tu em Helen Sanaso i tok em i lukim wan kain samting we i nogat planti lain i soim interes long So.

Na em i tok "sapos interes i go daun tru bilong wanem na bai yumi putim kamap So long olgeta yia. Maski lusim tingting na yumi i stap tasol na mek ol wok bilong yumi wanwan.



## Mekim save long Goroka So.

• Goroka So i bin lukim ol, kainkain singsing, danis na tumbuna bilas bilong ol grup long kantri. Yangpela meri (antap) hailans i kukim ples wantaim naispela bilas bilong em. Wanpela hailans (han kais) grup i mekim save danis na stail bilas bilong ol tu. Stori na ol poto i kam long SAPE METTA.



*always hit the spot!*

**Arrow Beer**



# MADANG NIUS



## Madang Pablik Laibrari i wok long bagarap

JAIVE SMARE i raitim

MADANG Pablik laibrari wantaim ol sevis bilong em i go long komyuniti i wok long bagarap bikos i nogat ol ausait lain putim mani long stretim dispela laibreri, Laibrerien Elizabeth Bomai i tok.

"Sot long mani em i wanpela bikpela hevi. Ol sevis bilong mipela i wok long go daun, sampela taim mipela i no save mekim wanpela samting olgeta," em i tok.

Misis Bomai i tok las taim laibrari i kisim mani long provin-sel gavman em long 1998. Tasol i kisim tasol K5,000 bilong K20,000 provin-sel gavman i

promis long givim ol insait long wanpela yia long dispela taim.

Em i tok planti bilong ol buk i stap long dispela laibreri i bin stap taim ol i bin opim dispela laibrari long Madang long 1978. Long dispela taim laibreri i bin gat 17,000 buk, tasol long ol yia i go pinis, long pasin bilong stil, na ol lain i save kisim buk i no save bringim bek, nau laibreri i gat 7,000 buk tasol.

Em i tok tu olsem Madang Pablik Laibrari i no inap long kisim tu ol piriodikels o ol nius-pepa. Em i tok wanem ol nupela buk ol i save kisim, em ol lain bilong Rotari Klub i save givim. Em i tok Laibreri haus i wok long bagarap nau na ol i laikim mani bilong stretim dispela haus na

mekim em i kamap gutpela gen.

Em i tok dispela laibreri i save helpim ol sumatin bilong Madang Yunivesiti Senta, Koles Ov Distens Edukesen, Paramed na ol komyuniti i stap long taun, long wanem dispela laibreri i stap klostu long ol

Em i tok tu olsem em i laik lukim dispela laibreri i mas i op i go bikpela, tasol nau yet provin-sel gavman i no luksave long wanem kain sevis laibreri i save givim na i no putim mani long helpim Madang Pablik Laibreri na givim mani olgeta yia.

Em i tok nau yet ol i wok long askim Aisaid long helpim ol aninit long PNG Insentiv fan long baim ol nupela buk na stretim laibreri.

## Mal helpim ol pipel long ples long planim lombu

KINGSTON NAMUN i raitim

MERI husat i kirapim Women and Youth In Development, Catherine Mal i statim wanpela liklik lombu projek bilong helpim ol pipel bilong Madang.

"Dispela projek bai helpim ol liklik pipel, moa yet ol lain i no inap tokaut long hevi bilong ol, em ol meri long ples. Yumi i no inap wetim gavman olgeta taim. Yumi ol pipel bilong PNG i mas yusim save yumi gat bilong opim rot bilong ol pipel bilong yumi long mekim samting," em i tok.

Mis Mal i tok: "Sapos PNG i laik go het na kamapim wanpela kantri i gat planti mani, pastaim em i mas developim ol pipel bilong em yet, bikos taim yu developim ol pipel, yu developim kantri."

Em i bilip olsem gavman i mas developim ol pipel long yusim ol risos i stap pinis, helpim ol liklik projek i stap pinis na helpim ol pipel long helpim ol yet.

Mis Mal i save givim ol pikinini bilong lombu i go long ol pipel long ples. Ol i save planim ol dispela pikinini lombu. Dispela i save kisim tripela mun long gro. Bihain ol i save kisim na draim long wanpela mun bipo long ol i salim i go bek gen long Mis Mal husat i save baim long ol

fama.

Mis Mal i save salim ol dispela lombu i go long ol kantri olsem Taiwan, Sri Lanka, na Saina.

Em i tok ol lokol fama i kisim moa helpim long em bikos em i save givim ol pikinini lombu na ol beg bilong putim drai lombu fri.

Mis Mal i tok wok bilong ol fama em bilong yusim graun bilong ol na planim, kamautim, draim na salim lombu long em.

Em i tok dispela projek i bin stat long Julai long dispela yia na i wok long go bikpela long wanem planti ol pipel long ples i wok long askim long pikinini lombu na bek lombu bai ol i ken statim dispela projek.

Mis Mal i bilip em bai stat baim ol drai lombu long ol fama long mun Disemba long dispela yia.

Em i tok tu olsem Madang i gat gutpela graun bilong planim koton.

Mis Mal bai i go long Saina na Taiwan long narapela yia, long lukim ol koton fam bilong ol na tu fektori bilong koton bilong kisim save na bringim dispela bisnis i kam bek long Madang.

Mis Mal i tok dispela projek em bilong helpim ol komyuniti bai ol i ken sanap long lek bilong ol yet.

## Wok painimaut mas kamap long Madang disasta opis

WANPELA sinia pablik sevan bilong labu insait long Manam ailan husat i wok wantaim Madang provin-sal gavman i laik wanpela wok painimaut i mas go insait long wok bilong Madang Disasta opis na provin-sel gavman opisa.

Dispela sinia pablik sevan husat i no laik Wantok i yusim nem bilong em i tok olsem nesinol gavman i mas karimaut wanpela wok painimaut i go insait long wanpela ka Mista Kas i bin draivim i bam long Not Kos Rot long Madang sampela taim i go pinis.

Nau yet Lidasp Traibunel i rausim Mista Kas olsem Gavana bilong Madang tasol em i salensim dispela disisen long Nesenel Kot.

Dispela lida bilong Manam Ailan i mekim dispela toktok bihain long nogat gutpela wok i kam long Madang provin-sal disasta opis long helpim ol pipel bilong Budua na Boakure husat i lusim ailan na i stap long ol plentesin klostu long Bogia.

Dispela plentesin ol Manam ailan pipel i stap long en em gavman bilong Sir Julius Chan i bin baim long ol i go i stap long hevi bilong maunten

paia. Tasol i gat ripot olsem dispela graun nau yet i gat hevi long sait bilong ol papagraun bilong Bogia.

Dispela sinia pablik sevan i tok olsem sapos Madang provin-sal gavman i gat gutpela tingting em inap long yusim dispela K98,000 long stretim dispela hevi long graun long Bogia.

Tasol provin-sel gavman wantaim ol opisal i asua tru na yusim pablik moni bilong ol Madang pipel na peim hevi bilong wanpela man tasol em Mista Kas.

Ol dispela lain ples manmeri i bin lusim ples bilong ol long Mana ailan na go stap long Bogia bihain long bikpela maunten paia i kamap long eria bilong ol.

Dispela pablik sevan i tok olsem bilong wanem tru na Madang provin-sal gavman wantaim disasta opis i yusim dispela K98,000 long peim kompensesen bilong wanpela man tasol em Mista Kas, taim planti ol pipel bilong Manam nau i wok long bungim hevi long traun na painim wanpela gutpela ples we ol i ken go na sindaun long en.



## Skul em nambawan samting...

• Madang Open Memba Jacob Wama i bin mekim planti wok long ol komyuniti projek kain olsem kirapim Madang Kristen Akedemi skul bipo long em i go insait long politik. Dispela skul i save kisim ol skul pikinini stat long elementri i go inap long gred ten. Mista Wama i aplai long kisim tok orait bilong kisim gred 11 i go inap long gred 12.

## Ol Madang Lae na Hailens haiwe draiwa na pasindia kisim tok lukaut

LYNDSAY WARVI i raitim

OL draiva na pasindia i save ron long Madang, Lae na Hailens haiwe i go long Madang i kisim tok lukaut long was gut long man nogut husat i save stapim ol ka na stilim ol samting bilong ol draiva na pasindia.

Ol bas draiva husat i save bungim dispela birua i save long dispela hevi we ol i save bungim planti taim long Wicsno, Egrwa na Guava Maunten, insait long Madang Provins.

Ol man nogut i save stapim ol bas na kisim ol mani na ol samting bilong ol draiva na pasindia.

Planti mameri i tok olsem dispela kain pasin birua long ol bas na pasindia em ol man autsait i wok long kamapim na i no as ples Madang yet.

## AusAID helpim Maritime koles

JESSIE LAPOU na LÚANA PANIU i raitim

MARITIME Koles i kisim helpim i kam long Ausaid long mekim tupela nupela klasrum bilong ol.

Dispela tupela nupela klasrum em enjiniering rum na Navigesen rum.

Joris Van Rhign, Enjiniering tisa, i tok, em i no inap long kisim save insait long klasrum tasol. Em i tok ol sumatin i mas go aut long klasrum na yusim dispela save long mekim wok.

"Ol bai gat sampela save long ol masin

bilong wanpela sip," em i tok.

Enjiniering rum i kos A\$4.5 milien. Long 1995, wanpela kampani bilong Ostrelia, i stap long Tasmani ol i kolim Tamar i bin mekim dispela Enjiniering rum.

Dispela Enjiniering rum i gat olgeta masin yu inap painim antap long wanpela trupela sip na ol sumatin i ken kisim tru save bilong yusim ol dispela masin na save long enjin rum i luk olsem wanem, em i tok.

Koles i lukautim gut dispela rum, olsem na ol i no bin yusim planti mani long stretim ol samting i bagarap.

Em i tok ol sumatin bai save long ensin rum i smel olsem wanem, wankain tru

olsem ol ensin rum bilong wanpela sip, em i go het na tok.

I gat tupela tisa husat i save tis na wan wan bilong ol i save skulim 7-pela sumatin long taim bilong ol.


Kos bilong Navigesen rum we ol i save kolim tu long Global Maritime Distres na Seifti Sistem (GMDSS) em A\$27 milien. Ol teknikel wokman bilong Norfolk Kampani bilong Norway i bin putim wantaim ol hap hap bilong ol masin insait long dispela rum.

I gat tupela rum insait long GMDSS, wanpela rum em bilong komputa na narapela rum em bilong Simuleta.





EM  
NUPELA



# 3 ROSES FLOUR

Nau i gat gutpela nupela wei long wokim olgeta feveret kaikai bilong yu. Bikos nupela 3 Roses Flour i kamap pinis long hia.

3 Roses Flour em i PNG flour wei i gat gutpela teis, gutpela velu na gutpela kwaliti.

3 Roses Flour em ol lain bilong *Tablebirds* i wokim long nambawan flour fektori em ol lain PNG i papa long en.

Em i gat gutpela teis bikos ol i wokim wantaim ol gutpela samting tasol.

Na bikos mipela i wokim 3 Roses Flour long PNG kondisen, olsem na em i ken wokim olgeta kuk bilong yu stap longpela taim.

Bihain sekim velu, bai yu painim gut olsem 3 Roses Flour i gat gutpela velu taim yu beikim. Na traim tu nupela Skon flour bilong mipela. Olgeta samting bilong wokim skon i stap pinis insait long paket, olsem na yu putim wara tasol. Em i isi tru long wokim gutpela skon olgeta taim.

Na nau i gat nupela flaoa long laik bilong yumi. Lukluk long ol nupela 3 Roses bek long stoa klostu long yu. Bai yu painim ol long kainkain sais olsem 500g, 1kg, 2kg, 2.5kg, 5kg, 10kg, 25 kg na 50kg bek.



PNG  
OWNED




PNG  
MADE

*Gutpela teis, gutpela  
velu na gutpela kwaliti.*

# Lae Nius

## PNG redress asosiesen wetim bekim bilong Praim Minista

PAPUA Niugini Redress Asosiesen i wok long wetim tasol opis bilong Praim Minista long tokaut long wanem eksen em i mekim long tok-tok wantaim gavman bilong Japan long hevi ol memba bilong em i bungim long taim bilong Wol Woa 2.

Siaman bilong asosiesen Gabriel Laka i tokaut olsem olgeta ripot na ol toktok i stap pinis wantaim opis bilong Praim Minista long karim i go long Japan taim em i bin go raun long hap sampela mun i go pinis.

Mista Laku i tok opis bilong Praim Minista i bin bekim tok olsem ol i save long dispela toktok na ol bai wet tasol long lukim wanem kaikai tru

o ansa i kamap namel long toktok wantaim Praim Minista bilong PNG na Japan.

Em i tok opis bilong Praim Minista i no inap givim wanpela ful toktok yet long dispela inap kaikai tru bilong toktok i kamaut kliia na ol inap tokaut long PNG Redress Asosiesen.

PNG Redress Asosiesen em wanpela non gavman grup we ol i laik askim Japan Gavman long baim kompensesen long bagarap ol i kisim long han bilong ol Japan soldia long Wol Woa 2.

Ol i memba bilong arapela Redress asosiesen long Esia na Pasifik.

## Ol kauboi bai kukim Morobe So

OL HOS na ol kauboi bai kalap kalap wokim das long Anuel Morobe So we bai kamap long dispela mun.

Na ol hos wantaim ol raida bilong ol we i wokim gut tru bai i winim kesmani na tropi.

Progrem bilong ol hos i resis bai kamap long Sarere, Oktoba 14.

Bai i gat tripela grup bilong ol lain i go insait long hos resis long en. Wanpela em long grup

resis we foapela man i sindaun long ol hos i resis, wanpela man na rileyi resis. Ol bai skruim hos resis i go long Sande Oktoba 15 we bihain long em i pinis, ol bai givim prais long ol lain i wokim gut tru.

Ol kampani i sambai redi tasol long sponsaim ol pilai kauboi hos resis. Coca Cola Amatil bai givim prais long ol grup resis taim Goodman Fielder, Arnotts Bisket, Brijston

Taia na Agmak Pasifik em ol arapela sponsa tu i sapatim hos resis long So.

Orica bai donetim tripi i go long asples sempion kauboi na Morobe provins Agrikalsa Sosaiti bai givim ol kes prais long ol arapela divisen.

So bai givim sans long ol hos raida i soim stail we ol i gat bihain long hatwok na trening we planti pipel i no inap long lukim na givim luksave long ol.

## Zurenuoc kamap ekting Morobe edministreta

OLPELA seketeri bilong Morobe edministresen Manasupe Zurenuoc i kamap olsem ekting edministreta bilong Morobe provins.

Mista Zurenuoc i kisim dispela wok bihain long Morobe provinsal gavman i rausim Ainea Sengero na bihain Nesenel Eksekutiv Kaunsil i sapatim long las mun.

NEC i bin kisim saspensen ripot bilong Morobe provinsal gavman na paitim toktok i go kam long em na kamap wantaim disisen olsem ol i mas rausim Mista Sengero na makim Mista Zurenuoc olsem ekting edministreta inap ol i makim gen fultaim edministreta.

Insait long bung bilong NEC em 4-pea nesenel lida bilong Morobe provins i stap olsem Andrew Baing, Mao Zeming, Alfred Pogo na Bart Philemon i bin stap long en.

Nain-pela nesenel lida bilong Morobe provins i bin holim wanpela bung long palamen haus long las mun na i egensim tru dispela pasin Morobe provinsal gavman i bin mekim long saspensim Ainea Sengero.

Ol i tok bai 4-pela Morobe lida insait long NEC bai egensim toktok bilong Morobe gavman taim NEC i sindaun na harim.

Toktok bilong 9-pela Morobe



• Stail bilong ol Morobe .... tupela susa i bilas gut tru na kamautim stail bilong ol long Goroka So. Foto: SAPE METTA.

lida ya na 4-pela NEC memba ya i abrus olgeta.

Ripot i kamap long Morobe edministresen i tok NEC i makim Mista Zurenuoc tasol ol i no salim opisel pepa yet long tokaut long dispela. Tasol Wantok i harim miting bilong Ahi papagraun long Tunde dispela wik i kolim Mista Zurenuoc olsem ekting edministreta bilong Morobe provins. Wantok i laik toktok wantaim em tasol em i stap long miting.

Mista Zurenuoc i bin seketeri bilong Morobe provins aninit long olpela sistem bilong

provinsal gavman. Bihain Ainea Sengero i kisim ples bilong em na kamap seketeri na bihain edministreta long nupela rifom sistem.

Morobe provinsal gavman aninit long siaman na gavana bilong Morobe Luther Wenge i pasim tok long eksekutiv bung long rausim Mista Sengero.

Dispela ripot bilong ol i go long NEC na karim kaikai. Taim Morobe provinsal gavman i bin laik saspenim Mista Sengero ol i makim Willy Kokoba olsem kea teka edministreta bilong provins.

## Yus Lokol Gavman Kaunsil eria kisim nupela viles kot



• Ol nupela Vilis Kot mesistret bilong Yus LLGC wantaim Memba bilong Kabwum Ginson Saonu na ol gavman opisol bihain long ol i kisim setfikit bilong ol.

TETI nain nupela viles kot opisa bilong Yus Lokol Level Gavman Kaunsil eria insait long Morobe i bin greduet long tupela wik kos long las wik.

Dispela em ol viles kot mejistret na pis opisa na ol kuskus husat bai wok long foapela viles kot eria insait long Kabwum distrik.

Greduesen bilong ol nupela viles kot opisa i bin kamap long Septemba 14 na ol bin mekim tok promis bilong ol long ai bilong provinsal mejistret.

Ol mausman bilong Dipatmen

bilong Morobe, Koreksenal Institusen Sevis, Plis, na Jastis lain na Distrik Edministreta bilong Kabwum i bin bung wantaim Kabwum Memba Ginson Sounu long witnessim greduesen bilong ol nupela kot opisa ya.

Ol opisa ya bai i wok long foapela viles kot eria i karamapim Yopna 1, Yopna 2, Som na Urawa viles kot eria.

Mista Sounu taim em i tok amamas long Dipatmen bilong Morobe na Yus LLG long kamapim dispela ol nupela viles kot opisa i tokaut

olsem bai i gat foapela nupela viles kot eria na em i askim strong ol nupela greduet long wok bung gut wantaim ol kaunsila long lukautim lo na oda long ples. Na ol pipel i ken kisim bel isi na sindaun gut long ples bilong ol.

Em bin tokim ol viles kot opisel long noken yusim nogut ol pawa bilong ol long bagarapim ol pipel long en.

Em bin askm ol long luksave long ol pipel na mekim ol gutpela disisen we ol pipel bai givim gutpela luksave i go long ol.

## Ombudsmen tokaut long ol helpim bilong em

OMBUDSMEN Komisen i sambai long helpim ol manmeri long ol hevi ol i gat egensim gavman, ol opis na wokman bilong gavman na ol kampani.

Dispela em toktok bilong Ombudsmen Komisen long Momase rijon taim ol i tokaut long wok bilong ol na helpim ol i gat long givim pipel long Lae opis long Trinde aste.

Media opisa bilong Ombudsmen Komisen Josh Meadows i tokim ol niusmanmeri olsem ol i laik mekim kliia wok bilong ol i go aut long pablik i ken save. Na pablik i mas save tu long wanem kain wok na pawa nius long wok long mekim.

Mista Meadows i tok tu olsem ol niusman i mas save tu long dispela bikos long wok bilong ol, ol i ken raitim kliia na stretpela nius long wok bilong Ombudsmen.

Insait long dispela bung, ol niuslain i harim olsem Ombudsmen i ken harim ol komplem bilong olgeta kain manmeri na helpim long stretim ol dispela wari na helpim wantaim rot na

eksens bilong stretim dispela wari o komplem.

Ol Ombudsmen opisa long Lae i tok sampela hevi bilong ol pablik em ol i save salim i go long ol opis bilong dispela komplem stret. Kain olsem Leba na Emploimen opis bikos komplem i sut long wok.

Ol i tokaut tu olsem sas bilong mekim save long ol lida long gavman i no bikpela tumas, maski ol i mekim bikpela trabel. Tasol dispela bai mekim bikpela wok long sait bilong senisim Ogenik Lo na mama Lo na palamen yet i mas vot long mekim i kamap nupela lo. Ol i tok planti lo bilong Ombudsmen i bin stap yet long 1975 taim PNG i kisim independens i kam inap nau.

Ol i tok tu olsem PNG em i narakain kantri long ol arapela kantri wantaim Ombudsmen Komisen bilong en. Bikos PNG Ombudsmen i gat pawa long sekim na kotim ol lida bilong palamen na ol het bilong ol kainkain gavman opis. Long ol sampela kantri, Ombudsmen Komisen i nogat dispela pawa.

# Luteran mama pinisim wan wik samap kos

PAULUS TALI i raitim

OL mama bilong Bel, Nobonob na Banup Luteran Sios insait long Madang distrik bilong Evanjelikal Luteran Sios bilong Papua Niugini i bin pinisim wanpela wik woksop bilong ol long wok bilong samapim klos na tu stretim masin bilong samap long Baitabag Wail laip senta.

Moa long 43 mama wantaim tripela wokman insait long Tok bilong God bilong Luteran Sios, Madang distrik i bin kamap long dispela woksop.

\* Vika Pastor Darrel Sam wantaim Vika Raymond Kurumu bilong Ogelbeng Luteran Tiolojikal Institusen long Hagen wantaim Evansalis Jonatan bilong Amele tu i stap namel long dispela kos wantaim ol mama.

Insait long dispela kos, ol mama i bin kisim ol masin bilong samap i bin bagarap na stap long en moa long 5-pela krismas pinis na ol i stretim gen. Namel long dispela taim bilong samap

kos tu, ol mama i lainim samap na ol i samapim sampela siot bilong ol ol bihain long kos.

Luteran Developmen Sevises (LDS) na Yangpela Didiman bilong ELCPNG i go pas long dispela woksop. Wokmeri bilong LDS na Yangpela Didiman, Misis Sisa Gewabin wantaim man i go pas long bosim na lukautim ol sevis bilong LDS bilong Madang Distrik, Reveren Ronald Stukenberg bilong Jemani Luteran Sios i bosim na ronim dispela woksop.

Kos tisa Misis Sisa Gewabin i tokim Wantok nius olsem dispela em i namba wan taim woksop i kamap long Madang distrik tasol em i tok em i amamas long wanem kos i bin kamap gut.

Misis Gewabin i tok tu olsem dispela kain woksop em i bilong skulim ol mama long stretim ol samap masin bilong ol taim ol i bagarap bai ol i noken tingting long baim ol nupela masin.

Em i tok dispela ol kos LDS i ofaim em i no bilong ol Luteran Sios tasol, nogat. Em i tok LDS i stap redi bilong helpim ol mama

bilongt ol arapela wantok sios husat i laikim helpim olsem sapos ol i singautim ol.

Em i tok wok bung wantaim, bungim tingting wantaim na wanbel pasin em i bilong olgeta manmeri bilong helpim na sapotim wok bilong ol mama insait long ples, kongrigesen, komyuniti na sios olgeta.

Namel long dispela woksop, na kos tupela Vika, Raymong na Darrel i givim Baibel stadi long ol mama long strongim bilip na wok bilong ol long ol i mas save wanem wok ol mama i gat bilong mekim.

Het Tok bilong dispela kos em, 'Meri, mi husat? Tupela Vika i tok, astingting bilong dispela skul em bilong strongim bilip na save bilong ol mama olsem ol i no meri nating. Nogat. Ol i gat wok tru bilong mekim bilong stretim sindaun bilong famili bilong ol na insait long komyuniti bilong ol olgeta.

Bihain long olgeta samting i pinis, ol i pasim wanpela wik woksop bilong ol wantaim Holi Komyunio



## Greduesen de...

• Ol Yunaited Sios yut bilong Madang i kamapim sampela danis long greduesen de bilong Paramed Koles long Madang. Skul i save skulim ol wokmanmeri bilong helth long PNG. Planti bai kamap helth inspekta na helth ekstensen opisa.

# Gibig tokim ol mama long yusim save ol i kisim long mekim wok

VAIS sia meri bilong Madang Kausel Ov Sios, Misis Gibig Ellas i bin tokim ol mama i kamap long dispela samap woksop long yusim gut dispela save bilong ol na mekim wok na i noken slipim i stap.

"Go na mekim wok na larim em i karim kaikai wantaim dispela save yupela i kisim long en," em i tok.

Misis Gibig i tok tu olsem, ol mama i mas save olsem opis bilong em i redi long helpim ol mama long sampela kain rot olsem. Olsem na em i tok long ol long helpim ol mama long sampela kain rot olsem. Olsem na em i tok long ol i mas wokim program na plen na givim baset inap long mak sapos em inap.

Long skurim toktok bilong Misis Gibig, Dairekta bilong ol Meri insait long wok bisnis long Momase Rijen, Misis Gabby Gedisa i tokim ol mama long wok bung wantaim na pinisim laip bilong ol wantaim gutpela sindaun.

Wanpela meri husat i kisim dispela

skul, Mis Viniar Karkar i makim maus bilong ol arapela mama na i tok amamas na tenkyu long ol kos tisa long gutpela save ol i bin lainim ol mama long stretim na samapim masin na tu long samapim siot.

Em i tenkim tu ekstensen opisa bilong LDS bilong Madang distrik, Reveren Ronald Stukenberg long helpim ol mama long kaikai na trenspot na sapot long mani samting long dispela taim bilong kos na tok tenkyu tru long sapot bilong en.

Bihain long dispela kos, ol mama i soim amamas na tenkyu bilong ol long ol kos tisa na givim Misis Gewabingff wantaim tupela Vika long sampela liklik presen.

Long pasim dispela woksop, Pasto Kiuk Kabaku bilong Luteran Sios i pinisim wantaim prea we dispela prea em i sut long het tok: "God i ken mekim gut long ol manmeri bilong em na pulapim ol long gutpela tingting na save bilong em."

## Rabaul i gat nupela helpim bisop

RABAUL asdaiosis i gat nupela helpim bisop.

Long Sarere Septemba 30, Asbisop bilong Rabaul, Karl Hesse i odenim Alphonse Chaupa olsem helpim bisop bilong em.

Dispela selebresen i kamap long de bilong tingim tu ol namba Katolik misinari i go long Rabaul long Septemba 29, 1882.

Ol Katolik bilong Rabaul i selebretim tu Jubili yia bilong God Papa, Son na Holi Spirit.

Bisop Alphonse i kam long Uval insait long Pomio distrik bilong Is Niu Briten provins.

Misa i bin kamap gut tru wantaim ol kwai, na singsing bilong tumbuna bihain long misa i go inap long abinun.

## Kokoda i redi long Luteran konferens

OL Luteran bilong Papua rijen i wok long redim ol samting bilong Papua Luteran konferen bai kamap long Exodus insait long Kokoda distrik bilong Oro provins long Oktoba 6 i go long 8.

Ogenaising komiti i kisim helpim i kam long sios na long Ilimo lokal level gavman (LLG).

Mausman bilong ogenaising komiti, Munasi Zia na Tonzi Mora i tenkim sios long givim ol pawa bilong yusim long taim bilong dispela konferen.

Ol i askim tu ol non gavman ogenaisesen na ol bisnis komyuniti insait long Kokoda sab distrik long givim ol sampela moa helpim long mani o arapela samting.

Long wankain taim, ogenaising komiti i ting moa long 260 deliget bilong kain kain kongrigesen insait long Sauten rijen bai kamap long dispela konferens



## Ol mama i ken mekim tu

• Ol mama Hagen i redim kaikai long opim Wamp Nga Ting Manga ges haus las yia. Tude dispela ges haus i mekim gut wok. Mani i kamap long dispela ges haus i save go long helpim wok bilong Sios long Hagen distrik. Ol Luteran meri insait long Hagen distrik Luteran Sios i go pas long dispela ges haus. Foto: Wenceslaus Magun.

## Tupela man Bogenvil i kamap diken

HELEN REI i raitim

KATOLIK daiosis bilong Bogenvil las wik i witnessim odinesen bilong tupela seminarian husat i kisim diken odinesen.

Dispela tupela diken em oPeter Lukabai bilong Turiboiru peris na Dominic Kiaku bilong Piano peris insait long Buin eria bilong Bogenvil.

Odinesen misa i kamap long Marmari sios long Arawa long Trinde Septemba 20.

Bisop bilong Bogenvil, Henk Kronenberg wantaim ol arapela daiosis na maris pater i bin mekim dispela odinesen misa.

Bihain long misa ol pipel i kamap long dispela misa i bin bung wantaim na kaikai.

I pipel i kamapim sampela naispela danis na singsing bilong tumbuna. Planti ol pipel bilong Arawa peris i bin kamap long dispela odinesen misa.

Misa i bin stat long 10 kilok long moning na bihain ol i bin kaikai na lukim ol singsing na ol arapela samting i go inap long 4 kilok long abinun.

Bisop Henk i tok ol i hop long lukim odinesen bilong dispela tupela diken i

kamap long pater long Ista neks yia. Dispela tupela diken i bin kisim skul bilong kamap pater long Holi Spirit seminari long Bomana, ausait long Mosbi.

Ol i wok long ol peris bilong ol. Diken Peter i bin wok long wes kos Bogenvil eria insait long Sipai na Korao peris, na Diken Dominic i wok insait long sentrel Bogenvil.

Bihain long odinesen bilong ol ol bai go het na wok inap long Ista neks yia taim ol i bai kisim odinesen bilong kamap pater.

Bisop Henk i tok nau yet ol i gat 15 lokal daiosis pater bilong Bogenvil. Nainpela bilong ol tasol i wok insait long daiosis. Ol 6-pela arapela i go long stadi o wok ausait long provins.

Pater George Vasuksi i tis long seminari long Rapolo, Is Niu Briten, Pater Patrick Baria i wok wantaim marit traibunel long Vunapope, Is Niu Briten, tupela i stadi, Pater Lawrence Samei i stadi long Rome na Pater Aloisius Kiota i stadi long Yunivesiti bilong Goroka, Pater Michael Bora i wok long Manila, Philippines na Pater Andrew Billy i wok olsem Saplen bilong Papua Niugini Difens Fos long Murray Barracks.

## WANTOK

NIUSPEPA BILONG YUMI OL PAPA NIUGINI STRET

### Gavman i mas stretim hevi bilong kopra

Ol kopra groa long kantri i wok long harim moa nius nogut gen long dispela wik. Bikpela kopra mil long Rabaul i pas bikos i no gat inap pipel i salim kopra.

Ol pipel long planti ples long PNG tude i nowok kopra bikos prais i pundaun i go daun tru. Ol i no laik hatwok nating na kisim liklik pe tasol. Olsem na long planti ples ol kokonas i pundaun slip nating i stap na kru i kamap long ol. Ol pipel i no bisi tumas long wok kopra.

Ol bikpela plantasin tasol i wok long salim kopra. Tasol mak bilong kopra i no inap. I gat moa liklik kopra groa insait long kantri. Na long taim ol i no wok kopra bai mak bilong kopra PNG i salim i go ovasis bai pundaun.

**Dispela kain pasin i no gutpela tumas long bisnis.**

Bikpela askim bilong ol pipel nau em i go long gavman na Kopra Marketing Bot (CMB). Bai ol i mekim wanem long helpim kopra bisnis insait long kantri?

Bipo i gat progrem we ol i pasim hap winmani i stap na long taim prais bilong kopra i go daun bai dispela mani i helpim CMB long baim ol groa. Tasol planti wok i bagarap insait long CMB yet na ol lain husat i save givim dispela helpim mani i no moa givim mani.

Stat long las yia i kam inap nau, i gat planti askim i kamap long mani em CMB i save kisim long taim prais bilong kopra i bin gutpela tru. Ol groa i askim CMB long tokaut long mak bilong mani i kam insait long taim ol i salim kopra, na hamas mani i go long ol groa na hamas i stap long han bilong CMB.

I no gat wanpela gutpela bekim i kamap long maus bilong CMA o long gavman. Minista bilong Egrikalsa i mas luksave long dispela hevi bikos kopra em i bikpela bisnis bilong ol ples long nambis. Mani ol i kisim long kopra i go long baim skul fi na lukautim sindaun bilong famili.

Olsem na sapos i gat hevi i kamap long kopra bisnis, gavman i mas hariap long painim rot long stretim dispela hevi. Laip bilong planti manmeri i hangamap long dispela bisnis. Em i wok bilong gavman long skelim wanem ol hevi i kamap nau na painim rot long stretim.

Gavman i mas kisim tingting bilong ol lain groa, CMB, ol saveman bilong kopra bisnis na ol manmeri nating tu na painim ol rot long kamapim progrem bilong helpim kopra bisnis nau long long bihaintaim tu.

Mobeta ol i lusim ting long pulim kros na sutim tok long CMB tasol. Dispela kain pasin bai i no inap long helpim kopra bisnis. Yumi ol pipel i gat tingting na yumi luksave olsem sapos i gat gutpela wok bung na stretpela wok i kamap namel long CMB na ol groa, bai i gat gutpela sapot tu i go long kopra bisnis.

I no gat planti toktok. Nau yumi wetim gavman na Minista bilong Egrikalsa long opim ai na go pas long stretim dispela wari bilong ol pipel long kopra bisnis insait long PNG.

### Ol tisa soim kalsa bilong ol wantaim stail

OL sumatin bilong Madang Tisa Koles (MTC) i kisim sampela taim aut long Fraide long soim kain kain kalsa na pasin tumbuna bilong ol insait long kalsa so bilong ol.

Ol sumatin bilong Madang, Wes Niu Briten, Sepik, Manus, Isten Hailens, Morobe, Is Niu Briten, Sentrai, Sauten Hailens, Simbu, Not Solomons, Oro, Westen Hailens, Gulf, Niu Ailan, Enga na Milen Be.

Presiden bilong ol sumatin, Anthony Koring i tok, aida bilong dispela kalsa so em wanpela tingting em i gat laik long lukim i kamap.

Em i tenkim ol sumatin long mekim dispela kalsa so i kamap gut.

Em i tok Madang Tisa Koles i bin givim ol K4,000 long redim ol samting bilong dispela kalsa so.

Mista Koring i tok, ol i soim tru kalsa bilong ol wan wan provins insait long dispela so na dispela i soim stret ol i kam long wanem hap bilong kantri.

"Dispela bai helpim ol long bihain taim olsem ol tisa," em i tok.

Ol i no sasim wanpela get fi. Mista Koring i tok bilong wanem as bai yu sasim ol ausait long go lukim kalsa bilong yu.

Het Mista bilong skul, Mis Dominica Philip i tok dispela kalsa so i soim stret moto bilong dispela koles. 'Id Taman' o yumi bung wantaim.

Em i tok las taim ol i holim kalsa so em long 1995. Em i tok tu olsem sapos dispela so i kamap olgeta yia, em bai i nogat mining tumas tu.

Em i tok: "Kalsa em i no samting bilong dres na singeing tasol. Em i samting bilong wanem kain pasin yumi save stap, mekim samting na wok bung wantaim ol arapela pipel."

## Pipel Eksen Pati i no helpim gut ol Goilala pipel

PIPELS Eksen Pati i no helpim gut ol pipel bilong bilong Sauten rijen insait long 16-pela krismas em i kirapim wok bilong en, wanpela ripot i tok.

Ripot i tok ol bin kirapim pati long helpim sauten rijen i kisim gut ol sevis na developmen na helpim o, pipel i senisim laip na sindaun bilong ol i kamap gut tasol dispela i no kamap.

Ripot i tok ol Goilala pipel i no lukim wanpela gutpela samting na tu ol no kisim gutpela helpim long PAP we ol i givim bikpela sapot long en insait long 16 yias pati i bin sanap.

Wanpela man i makim maus bilong ol Goilala pipel em Augustine Bawai i tok bikos long dispela, em i askim ol pipel bilong em long tingting gut long wanem pati ol bai sapotim na husat lida ol bai sapotim long 2002 nesenele ileksen.

Em i tok Goilala distrik i laik lukim gutpela developmen long sevis na gutpela sindaun bilong ol pipel bilong em.

Mista Bawai i tok ol Goilala pipel i givim strongpela sapot long PAP tasol lida Ted Diro i no bisi long ol.

Em i tok insait long 16 krismas PAP i kirap, i nogat wanpela taim we Mista Diro i go lukluk raun long Goilala distrik na ol pipel i no wanbel long en.

"PAP i wok long pilapilai wantaim ol pipel bilong Goilala long longpela taim. Pati i yusim ol pipel long holim ol lida long pawa tasol em no kamapim wanpela gutpela samting bilong helpim ol pipel. Insait long las 25 yias, Goilala i no kisim gutpela rot, sosel na ikonmik developmen. Nogat developmen i kamap long Tapini taun, hetkota bilong Goilala distrik. I luk olsem bai nogat gutpela samting i kamap long dispela taun insait long sam-pela moa yia i kam yet," Mista Bawai i tok.

Em i tok ol bilding long Tapini we ol bin wokim ol long taim bilong kolonial gavman em ol i wok long bagarap nau.

Em i tok bilong lukim sampela gutpela senis long Goilala, i moa-beta long ol pipel long lus tingting long PAP na sapotim ol arapela pati. Na tu putim ol nupela yangpela man i go long politiks husat i gat ol nupela tingting long kamapim developmen long ol pipel bilong Goilala.



### Ledi Carol Kidu i gat sapot long ol yangpela meri

• Ol yangpela meri i amamas na soim sapot long Menba bilong Mosbi Saut, Ledi Carol Kidu. Foto: IVAN BAYAGAU.

## Ol asples tasol i mas stap long si kukumba bisnis

MILEN Be Gavana insait long dispela bis- Titus Philemon i tok nis ya. strong long ol asples pipel bilong em i mas papa long si kukumba bisnis. Na ol i mas tambuim ol ausait lain i go

Mista Philemon i bin wokim dispela toktok insait long wanpela woksop ol bin holim long Alotau insait long

Milen Be provins las wik. Nesenel Fiseria Atoriti i bin go pas long konprens. Em i kirapim wanpela komiti bilong lukautim dispela bisnis.

na wokim ol ripot long en. Mista Philemon i tok ol asples pipel i mas papa long dispela bisnis na kisim ol gutpela samting long ol risos bilong ol yet.

## Kopra maketing Bot wari long prais i no gutpela

... tasol welkamim gavman prais sapot. ...

SIAMAN bilong Kopra Maketing Bot (CMB) Jerry Nalau i tokaut olsem CMB Bot i wari long long prais bilong ol komoditi olsem kopra i go daun tru.

Tasol Bot i luksave long sapot we Nesenel Gavman i bin promisim long helpim kopra bisnis na Prait Minista Sir Mekere Morauta wantaim Mao Zeming em Agrikalsa na Laipstok Minista i bin tokaut long em long palamen las wik.

Mista Nalau i bin tokim namba wan bung bilong em taim em i kamap siaman olsem mak long prais bilong kopra em i stap daunbilo tru insait long 20 kris-

mas. Laspela taim wankain samting i bin kamap em long 1980.

Em i tok prais i stap daunbilo na long tupela taim wankain samting i kamap, gavman i bin sapotim kopra prais long 1982-1983 na 1990-1995.

Long Bot i go hetim operesen bilong em long dispela taim bilong hevi, manesmen i kamapim sampela rot long helpim ol. Em long salim ol sampela haus na ka long ol CMB senta insait long kantri.

Bot i laikim manesmen long karimaut wanpela ripot long

surukim CMB het opis long Mosbi i go long Madang o Rabaul.

Bot i tok orait tu long noken kisim ol nupela wokman inap kopra prais i kamap orait bek.

Mista Nalau i tok CMB i laikim bai long sampela taim bihain, kantri i mas sanapim fektori bilong wokim ol samting long kopra, karimaut rises na progrem long planim ol nupela diwai kokonas long kisim ples bilong ol olupela kakau we ol bin planim moa long 80 krismas i go pinis na ol i lapun.



• Goroka Palamen Mema Henry Smith i givim kesmani long wokabaut Somil, masin bilong rausim skin bilong kopl na ol senso long ol pipel long iektoret bilong em long lsten Hallens. Foto: SAPE METTA.

## Kakau kamap gut na pulim bikpela mani long 1999/2000

VERONICA HATUTASI i raitim

KAKAU i prodaksen i go antap na pulim moa long K103 milien i kam insait long kantri namel long 1999/2000, Siaman bilong kakau Bot Sam Tulo i tok.

Mista Tulo i tok em i amamas tru long lukim olsem kantri i bin salim 44,511 ton kakau i go ausait long kantri long 1999/2000 kakau yia bikos dispela i ovarim 40,000 ton mak we bot i bin lukluk long en.

Em i tok as long kantri i salim moa kakau em Bogenvil provins we i save kamapim moa kakau insait long kantri i wok long kamap orait na olsem ol pipel i stat long wokim ol gaden kakau bilong ol. Ol i kisim helpim long lukautim gut ol diwai kakau bihainim kempein bilong Kakau Bot na manesmen we i mekim na ol diwai kakau i karim gut.

Mista Tulo i tok insait long las tripela yia, ol kakau fama long Bogenvil i wok long planim ol nupela diwai kakau na tu klinim gut ol kakau gaden bilong ol. Na dispela i apim prodaksen i go antap na bai go het yet long go antap moa long ol yia i kam.

Em i tok kakau bisnis long kantri i luk gutpela na dispela i gutpela mak na i abrusim 1996/1997 taim kantri i rekotim 25,000 ton kakau. Dispela em i daunbilo mak tru long histri bilong kantri na i no bin gutpela nius.

Long 1988/89 bipo hevi long Bogenvil i go nogut, kantri i bin kamapim rekot level long kakau prodaksen na bihain long dispela taim hevi i stap long ailan, mak long kantri i kamapim na salim kakau ausait long kantri i pondaun long olgeta yia.

Ol arapela hevi we i mekim na kakau prodaksen i bin go daun em long 1997 taim bilong biksan long kantri, Saiklon Justin na maunten paia long Is Nu Briten long 1994.

Mista Tulo i tok maski pe bilong kakau long wol maket i go daun tasol em i amamas olsem ol fama i wok hat yet na kantri i kamapim moa long 44,000 ton kakau na kisim bikpela mani i kam insait long kantri.

Em i tok ol Bot memba i luksave long bikpela na gutpela wok we ol kakau fama na ol (kakau) bisnis lain i mekim long kamapim rekot prodaksen long dispela yia.

Em i amamas long ol liklik fama husat i no bin kisim dinau mani bilong helpim sapotim ol long wok long baim ol marasin na lukautim ol diwai kakau tasol long hatwok bilong ol yet long han, ol i kamapim moa kakau na pulim bikpela ausait (foren) mani i kam insait long kantri.

Mista Tulo i tok kantri i nogat kontrol long prais bilong kakau long wol maket bikos mak bilong prodaksen i stap daunbilo yet.

Prais bilong kakau long 1999/2000 i bin stap namel long K1,500 na K2113 long wanpela ton.

Em i tok bikos strong bilong Kina i stap daunbilo, wol kakau komyuniti i save kamapim na tu ol dispela i save baim kakau i tok ol bai daunim 34 pesen mak, prais bilong kakau long wol bai kamap orait long 2000/20002 kakau yia.

Olsem na Mista Tulo i strongim ol kakau groa long wok hjat na kamapim ol gutpela kakau bin bikos gutpela prais bai helpim ol na kantri.

Mista Tulo i luksave long gutpela sapot we nesenel gavman na ol wan wan grup olsem AusAID, Yuropien Yunien na Yunaitet Nesens Developmen Progrem i givim long kakau bisnis long kantri.

Em i tok wantaim dispela sapot, kakau bisnis bai helpim long daunim pasin we ol pipel bilong yumi i bungim long sot long ol samting na ol i ken go hetim gut sindaun bilong ol.

## BOROKO FOODWORLD AT GORDONS

### BUTSA SPESOLS

Ilimo Kwikkai 900gr	K4.10 kg
Saveloys	K3.95 kg
Beef Sausages	K4.95 kg

### GROSERI SPESOLS

Globe Corned Beef Taper 340 gr	K2.59
Diana Tuna 380gr	K2.05
Arrow Beef Biscuits 85gr	K0.40
Roots Rice 1kg	K1.37




Maggi Noodles 85gr	K0.50
Nambawan Cordial 750ml	K1.70
Devondale Milk 1 litre	K1.93
Weet Bix 375gr	K3.75
Dazzle Bleach 200gr	K1.67
Omo 200gr	K1.43
Heinz Baked Beans 220gr	K0.93

### EXTENDED TRADING HOURS

Monday to Wednesday	- 8.00am to 7.30pm
Thursday / Friday	- 8.00am to 8.00pm
Saturday / Sunday	- 8.00am to

Planti moa kaikai prais i go daun long en!

Ph: 325 7566, 325 0863 Fax: 325 7096



Kaunsila bilong Krangket Mr Bill Koi i soim viles kot haus we memba bilong Madang Hon. Jacob Wama i wokim wantaim K7,000. Foto: ROBERT KAIA.

## Karangket kisim nupela haus tisa

MEMBA bilong Madang, Jacob Wama i givim K20,000 bilong ilektorel fan bilong em i go long wokim wanpela tri bet rum tisa haus long Karangket komyniti skul.

Dispela em i namba wan taim ol i kisim kain helpim olsem.

Kaunsel bilong Karangket, Bill Koi, i tok ol bai yusim dispela haus tisa long neks yia.

Em i tok ol tisa bilong em i bin slip insait long ol liklik hap

haus kapa we ol samting insait long ol dispela haus i bagarap bipo long ol i kisim dispela nupela haus tisa.

Long dispela yia tu ol pipel bilong Karangket i kisim wanpela nupela kot haus, kos bilong em K7,000. Ol i bin yusim pinis dispela kot haus long namel bilong dispela yia.

Kaunsel Koi i tok pasin bilong wok bung wantaim opis bilong memba i lukim ol i kisim dispela kain helpim.

Distrik Edukesen Menesa bilong Madang, Luke Arel i tok, dispela em i namba wan taim wanpela memba bilong Madang open i helpim ol skul insait long Madang distrik wantaim ol dabol klasrum na ol haus tisa.

Em i givim strongpela tok lukaut tu i go long ol pipel i kisim ol dispela sevis long yusim gut dispela sevis.

## Malalia helt senta long Wes Nu Briten kisim nupela ambalens

WES Nu Briten Gavana Clement Nakmai i luksave long wok bilong ol Sios helt woka insait long provins husat i karimaut wok na sevim ol pipel insait long ol rurel komyniti maski sindaun i hatpela.

Na em i tok gavman bilong em bai wok wantaim ol Non Gavman Ogenaisesen long go hetim wok bilong ol long sait bilong helt, edukesen, yut na ol meri grup.

Mista Nakmai i wokim dispela toktok taim em bin givim wanpela wanpela nupela ambalens i go long Malaila Yunaitet Sios helt senta las wik.

Pe bilong nupela helt senta em K88,000.

Em bin tokim bung we planti lain i bin stap long en olsem ol pipel i mas strongim wok long sait bilong praimerit helt kea o lukautim gut ol yet na ol i noken wetim gavman long givim helpim bilong

kisim ol sikman i go long haus sik o wetim long kisim marasin o lukaut bilong ol nes. Em bin tok ol pipel i mas bihainim rot bilong lukautim ol yet long wan wan ples na famili. Na olsem ol i noken mas ron i go long haus sik.

Taim em i luksave long wok bilong ol Non Gavman Ogenaisesen, em i tok gavman bilong em bai save sapatim ol wok bilong ol insait long ol komyniti.

## Ol meri na edukesen i stap long top lista bilong Wes Nu Briten 2001 baset

WES Nu Briten baset bilong neks yia i givim bikpela tingting long katim mani i go long ol meri na edukesen.

Ol meri bai kirapim kredit skim bilong ol yet na long sait bilong edukesen, Kimbe Hai Skul bai kisim ol Gret 11 sumatin long 2001.

Gavana Clement Nakmai i bin tokaut long ol dispela samting long indipenden selebresen toktok bilong em i go long ol pipel bilong Kimbe taun.

Em bin tok ol dispela plen ya em ol bai katim mani long ol long mani plen bilong neks yia.

Taim em i tokaut long dispela samting, Gavana Nakmai i bin tokim ol meri long sapatim gut ogenaisesen bilong ol

na wok wantaim na lusim pasin bilong kros na pait namel long ol yet.

Gavana Nakmai i tok wok bilong kirapim kredit skim bilong ol meri na kirapim bek Wes Nu Briten Sevings na Lon Sosaiti bai helpim tu long lusim tingting long pasin bilong askim tumas ol palamen memba long ol Rurel Eksen Program Fan bilong ol.

Em i tok sapos ol pipel i laikim trupela helpim long ol projek, i moabeta ol i askim long kisim helpim mani i kam long RAP Fan long en.

Long wankain taim tu provinsel gavman i katim pinis K1 milien bilong sapatim Kimbe Hai skul we long neks yia, ol bai kisim ol Gret 11 i go insait. Skul nau i wetim tasol hap mani long nesanel gavman.


# mipela laikim halvim blong yu

## Dispela Sarere 7 dei mun Oktoba em International Klinap Dei

Sapos yu joinim wanpela ol lain blong mipela or yu wokim yuyet, emi orait.

Bikpela samtin em yu go lon lokol nambis blong yu na halvim ol narapela manmeri insait lon kantri rausim pipia e wok kilim bikpela solwara blong yumi.

Go lon 7 kilok na harim NauFM taim Pri Minista Sir Mekere Morauta bai statim yu - lon radio!



"Kam na joinim mi na halpim wokim PNG nais tru gen".

*Jamie Maxtone-Graham*

Jamie Maxtone-Graham  
Chairman  
PNG Coastal Clean up Association

For further details watch the papers or contact  
Edward Kibikibi Jnr - Conservation International  
Tel 323 1532 Fax 325 4234 Email CI-PNG@Conservation.org



• **Lephan:** Husat i tok olsem ol turangu bai ino inap wok olsem ol kuskus. Dispela meri Rosemary Unami em i wanpela meri we i no inap lukluk gut long ai na em i bin stap long Chesire Home insait long long Mosbi taim em i bebi yet i kam inap nau. Na yu ting wanem, em i gat namba long wok wantaim Hornibrooks NGI kampani insait long Mosbi. Long poto, Rosemary i wok long putim ol hap pepa i go insait long kabod na bosmeri bilong em i lukluk long em.


• **Raithan:** Long amamasim silva jubili indipendens long PNG, Nesanel Kepitel Distrik Komisen (NCDC) i bin bringim wanpela tieta grup bilong Jinan provins insait long kantri Saina, long kamapim wanpela so bilong ol. Ol manmeri bilong dispela grup i soim kainkain stail bilong ol olsem kalap i go insait long ring na tu long liklik meri i go insait long dram.

• **Namel lephan:** Yangpela meri bilong Isten Hailens provins i bin sanap namel long ol ples lain bilong em long danis long Isten Hailens so. Ol Nokondi ya, ol i soim stret stail bilong tumbuna. I lukim planti turis i bin kam lukluk long ol.  
*Poto: SAPE METTA.*

• **Namel raithan:** Ol lain bilong PNG gardener, wanpela kampani husait i save lain bilong planim flaua na bilašim gut insait ol haus i wok hat tru long mekim Palamen haus i luk nais tru long long autsait bilong en. *Poto: ISSAC IKUAVI.*

• **Daunbilo lephan:** Ol kandre bilong Enga provins i mekim save long danis tumbuna bilong ol. Oloboi, sampela tu ya ol i no isi long kalap.

• **Daunbilo raithan:** I bin fes taim bilong ol pipel insait long Nesanel Kepitel Distrik long lukim wanpela singsing grup bilong Mortlock allan insait long Not Solomon provins we i kamapim singsing tumbuna bilong ol. Danis bilong ol i wankain olsem ol narapela ol lain wansolwara.





## PRIVATISATION COMMISSION

# ANTI PRIVATISATION ALLIANCE I MAS GIVIM ARAPELA GUTPELA TINGTING LONG PRAIVETASESEN

Long wanpela advataismen ol Anti Privatisation Alliance i raitim long National niuspepa long Septemba 27, ol i bin kisim wanpela hap toktok bilong Eksekyutiv Siaman bilong Privatisation, Ben Micah long taim em i salim tok amamas bilong em long 25 Silva Jubili Indipendens toksave. Dispela hap toktok ol dispela lain i kisim na tanim i go na senisim mining bilong dispela hap toktok.

Dispela kain tanim toktok bilong bagarapim mining bilong toktok na giamanim pablik long gutpela tingting bilong gavman long praivetaisesen ol dispela lain bilong Anti Privatisation Alliance i mekim i no gutpela na i bagarapim fridom bilong toktok.

Dispela em i pasin bilong ol lus lain husat i wok long hait baksait long wanpela giaman kampani na yusim ol sumatin, sios na ol yunion long sapatim ol tok giaman bilong ol.

Papua New Guinea i wanpela demokretik kantri we i gat mama lo bilong lukautim fridom bilong niuspepa, redio na TV na fridom bilong autim tingting. Tasol i gat lo tu long karamapim ol dispela samting tu. Olsem na taim ol manmeri i go het long autim tingting bilong ol i mas mekim insait long ol mama lo bilong kantri.

Anti Privatisation Alliance i no tingting gut pastaim long ol i autim dispela tingting bilong ol long niuspepa na Praivetaisesen Komisn bai i lukluk long dispela na askim sensasip bod na ol arapela otoritis long skelim dispela.

Dispela toktok Mista Micah i bin tok long indipendens toktok bilong em i tru toktok. Em i tok olsem praivetaisesen i no wok gut long planti arapela kantri bikos ol gavman bilong ol dispela kantri i no stretim gut ol kainkain problem pastaim long ol i go het wantaim praivetaisesen.

Anti Privatisation Alliance i kisim wanpela hap toktok tasol. Dispela toktok em "it has not succeeded in other countries because of inherrent problems". Ol i kisim dispela toktok na tanim bilong giamanim pablik olsem praivetaisesen bai i nonap long wok insait long PNG bikos em i no wok stret insait long ol arapela kantri na gavman i noken go het wantaim praivetaisesen.

Anti Privatisation Alliance i wok long toktok strong olsem praivetaisesen ino wok stret long ol arapela kantri tasol ol i lus tingting long narapela hap toktok bilong Mista Micah.

Dispela hap toktok i olsem: "Privatisation has worked really well in many countries". Dispela toktok i go pas long narapela toktok we em i tok olsem praivetaisesen i no wok gut long ol arapela kantri bikos long ol kainkain problem.

As toktok bilong eksekyutiv siaman long indipendens toktok bilong em i go olsem: "Privatisation has worked really well in many countries, it has not succeeded in other countries because of inherent problems. I am confident that we can learn from the experiences and problems of these countries to shape our privatisation policies in the process of meaningful development".

Ol Anti Privatisation Alliance i tanim dispela hap toktok na ol i giamanim pablik long promotim ol giaman wok bilong ol long egensim praivetaisesen.

Praivetaisesen Komisn i save laik kisim gutpela toktok na tingting bilong pablik na ol bisnis wantaim ol anti-praivetaisesen grup. Dispela em i gutpela na em bai tok klia long olgeta wok bilong praivetaisesen. Dispela bai helpim gavman na komisn long kamap wantaim ol gutpela polisi bilong praivetaisesen bilong kantri.

Tasol Komisn ino amamas sapos ol dispela lain i mekim ol giaman toktok bilong paulim tingting bilong ol manmeri. Dispela kain giaman toktok i save bagarapim developmen bilong kantri.

Long dispela as, Privatisaiton Commission i askim Anti Privatisation Grup long tok stret long ol arapela gutpela tingting na polisi long nesanel rikonstraksen na developmen long dispela taim.

Anti Privatisation Alliance bai stopim politiks insait long ol kampani bilong gavman husat i no mekim mani olsem wanem?

Anti Privatisation Alliance bai stopim bikpela dinau bilong kantri olsem wanem?

Anti Privatisation Alliance bai givim bek gutpela nem long gavman bilong mipela olsem wanem?

Ol dispela kain askim i nidim ol gutpela tingting bilong pablik bilong helpim wok bilong Privatisation Commission.

Gavman yet i tok orait long progrem bilong praivetaisesen na i nogat we long senisim praivetaisesen. Wok bilong go het wantaim praivetaisesen i stat pinis.

Privatisation Commission i singaut long Anti Privatisation Alliance na ol sapatim bilong ol long kamaut na givim gutpela dibeit long praivetaisesen.

Komisn i tok yet olsem:

"Praivetaisesen em i wanpela rot tasol nau long kantri bilong salim ol kampani na aset bilong em long resim mani bilong edukesen, helt na ol rot na bris na bilong bekim bek dinau bilong kantri. Sapos mipela i no salim ol aset bilong mipela, mipela bai dinau yet. Anti Privatisation grup i laikim bai dispela i kamap?"

Privatisation Commission i sanap strong bilong lukim praivetaisesen i mas kamap na olgeta manmeri bilong PNG bai inap long helpim praivetaisesen long promotim:

- gutpela wok insait long PNG;
- gutpela sevis long pablik na ol lain long ples;
- na helpim ol wokman long baim se insait long kampani bilong ol;
- na helpim ol praivet manmeri long baim se insait long ol kampani;
- ol niupela sevis long ol lain long ples;
- strongpela nesanel baset; na
- wok bilong Bougainville pis proses.

Praivetaisesen em i wanpela bikpela hap bilong nesanel rikonstraksen na developmen. I no bilong lukautim wanwan lain tasol.

Wait pepa long praivetaisesen i klostu pinis nau, na bihain long Nesanel Eksekyutiv Kaunsel (NEC) i givim tok orait bilong em, pablik bai nap long lukim ol polisi bilong gavman long praivetaisesen.

Praivetaisesen bai op long pablik, ol union na Tred Union Congress na Anti Privatisation Alliance. Nogat samting bai hait.

Komisn i laik tok olsem em i save olsem praivetaisesen i no wok insait long planti kantri. Em i no wok in sait long sampela kantri bikos long ol kain kain problem. Dispela em i tru. Tasol mipela i wok long lukluk long ol dispela problem na sapos mipela i luksave long ol gutpela samting na nogut samting long praivetaisesen, mipela i nap long plenim gut praivetaisesen insait long PNG.

Komisn i singaut strong long Anti Privatisation Alliance long givim ol narapela gutpela tingting bilong ol bai ol pipel bilong PNG bai inap long skelim wantaim ol polisi bilong gavman.


Gavman bai nonap long senisim tingting bilong em long praivetaisesen na stopim progrem. Privatisation Commission bai go het wantaim praivetaisesen taim olgeta wok i pinis na olgeta samting i stret.

Komisn bai wok hat long toksave long pablik na olgeta lain husat bai stap insait long praivetaisesen na bai mipela i kisim ol tingting bilong ol manmeri sapos em i nap long helpim kantri.

Privatisation Commission i no amamas long tok giaman bilong Anti Privatisation Alliance long ol toktok bilong Eksekyutiv Siaman na mipela i laikim ol long stopim dispela pasin.

Dispela toktok i kam long Privatisation Commission





# K10,000 prais mani i stap yet

## ... disisen i stap nau wantaim Nesenel Kot

### YAKAM KELO i raitim

TEN tausen kina (K10,000) prais mani na ol arapela prais bilong Lae ragbi Lig gren fainel long dispela yia i stap yet bikos gren fainel bilong A gret i no pinis gut na i bin nogat presentesen.

MDC Royals na Lae Biscuit Spiders i no bin pinisim gut gren fainel bilong tupela long Septemba 10 taim referi Clement Watson i lusim pilai graun long namba tu hap bilong gem bikos em i bin pret nogut birua bai kamap long em. Taim i olsem 16 minit bilong namba tu hap bilong gem.

President bilong MDC Royals Daniel Nandoma i tokaut olsem ol i laikim bai tupela tim i mas pilai gen na eksekutiv bilong Lae lig i wanbel long dispela. Tasol kea teka administreta bilong Lae Lig David Allan i mekim disisen bihain olsem win i mas go long lae Biscuit Spiders.

Daniel i tok Royals klap i bin traim long askim PNG Ragbi Futbol Lig long stretim dispela disisen na larim tupela klap i pilai gen tasol nogat wanpela bekim i kam long PNGRFL.

Plant sapota na ol manmeri i kam lukim pilai tu i wanbel long pilai i mas kamap gut gen, Daniel i tok.

Em i tok bikos i bin rogat gutpela bekim i kam long PNGRFL, MDC Royals klab i bin kism dispela hevi i go long kot.

Long las wik Fraide Nesenel Kot Jas, Jastis Salomo Injia i tokaut olsem AGM bung bilong Lae lig i noken kamap, disisen bilong givim win i go long Spiders i mas wet pastaim na taim stret bilong kot bai kamap na olgeta lain bilong kot bai kism toksave long dispela. Kot bai kamap long tupela wik bihain.

Daniel i tok gren fainel bilong arapela divisen olsem B gret, C gret na Anda 19 i bin pinis gut na ol i wet tasol long kism prais bilong ol. Tasol dispela hevi bilong Royals na Spiders i holim ol bek.

Em i askim strong olsem wanpela gutpela wanbel i mas kamap na ol i mas stretim toktok ausait long kot. Bikos sapos Royals i lus long kot, ol bai apil yet i go long Suprim Kot na dispela bai holim bikpela taim moa na ol arapela divisen bai wet longpela taim tru long kism ol prais bilong ol.

Daniel i tokaut olsem em i amamas nau bikos Nesenel kot i givim tripela oda na dispela i soim olsem MDC Royals i gat gutpela as long salensim dispela hevi long kot.

Mipela i singaut long PNGRFL i harim na traim stretim dispela hevi bilong mipela tasol, nogat olsem na mipela i lukim olsem kot em rot mipela i ken go long en, Daniel i tok.

Mipela i askim PNGRFL Long tokim David Allan long lusim olpela disisen bilong em na mipela i ken stretim toktok ausait long kot bai gren fainel ken kamap gen, Daniel i tok.

## Eels winim Siar tas taitel

### TAS RIPOT

EELS i winim Yankees 5-4 long winim Jacob Wama Sil long Siar viles tas ragbi kompetisen las wiken long Madang.

Tupela taim Yankees i pait strong long kamapim dro wan taim Eels tasol ol maliao i wel na win long wanpela poin.

Long fultaim stret, Yankees levelim skoa 1-1 na bihain long ekstra taim ol i dro gen 2-2.

Gem i surik moa yet na referi Jack Boston surkim i go long 5 minit ekstra taim. Tasol tupela tim i strong na putim arapela tupela trai gen na skoa i stap 4-4.

Orait nau referi Boston i rausim wanwan pilai long ol tim na Eels hariap tru long putim trai na win 5-4.

Gabriel Poska husat i makim maus bilong Madang MP Jacob Wama i tokaut olsem dispela gem i kamap gut tru na olgeta pilai i amamas stret long pilai.

Poska i tok Mista Wama i gat taim long developmen bilong yut na spot olsem na em bai givim sampela moa helpim i go long Siar Tas Asosiesen long neks yia.

Kaunsil bilong Wot Faiv (5) Simos Kangkang i tok spot i mas kism moa sapot long olgeta seksen bilong komuniti na i no long memba tasol. Em i tok amamas i go long Sam Alo i na tu jenerel menesa bilong Madang Stationaries Nalon Derr.

Mista Derr na kampani bilong em i sponsarim ol tropi bilong dispela tas kompetisen.

## Simbu bai holim namba tu Hailens soka taitel

### SOKA RIPOT

### HENRY MORABANG i raitim

NAMBA tu Hailens Rijonel Soka klab sempionsip bai kamap long Kerowagi insait long Simbu long Okotoba 26-29.

Dispela tonamen ya i pulim wanpla ten tri (30) klab insait long 5-pela provins insait long hailens rijen.

Memba bilong Kerowagi na Minista bilong Hausing John Kamb na tu Gavana bilong Simbu, Pater Louie Ambane i tokaut olsem ol bai sapotim dispela resis.

Presiden bilong Hailens Rijonel Soka Asosiesen David Chung i tenkim Mista Kamb na Pater Ambane long sapotim dispela soka tonamen insait long Simbu provins.

Chung i askim olgeta arapela memba long hailen, kampani na ol bisnis insait long rijen tu long givim han long sapotim soka sempionsip long hailens.

Em i tok amamas long Coca Cola Amatil husat i save givim moa helpim long soka.

Chung yet i tromoi bikpela mani long traim developim soka insait long hailens, na em i no laik lukim olsem hatwok bilong em i go lus nating sapos nogat gutpela sapot.

Dispela kompetisen i stat olsem rijonel soka tonamen we PNG Futbol Asosiesen i go pa long lukautim tasol Hailens i senisim na askim ol klab long kam insait na resis long em.

Samting olsem 18 klab bai resis long divisen bilong man na 17 klab long divisen bilong ol meri.

Simbu yet bai putim 6-pela tim, Kutubu (2), Mendi (4), Mt Hagen (5), Porgera (1), Wabag (5), Goroka (4), North Goroka (4), Kainantu (2) na Unggai (2).

Ol tim husat bai kamap long sempionsip i mas main primia o namba tu maina primia long wanwan asosiesen.

Tupela sempion tim Mt Hagen Blue Kumuls (men) na Teachcom (Wabag) bai traim tingting long holim bek taitel.

Wanem ol tim i laik stap insait long dispela resis i mas ptuim nominesen fi bilong K250 i go long PNGBC Goroka- Sek Akaun 301-006-180823.


Mista Chung i tok wanem ol soka asosiesen i mekim dispela i mas salim benk pepa (risit) i go long sekretari Dimirit Mileng o tresera Victor Simmons long feks 732 1941 o ringim long telipon namba 732 2391/2664.



• Gabriel Poska i givim sil i go long wanpela team bilong ol meri insait long ragbi tas gren fainel long Madang provins.



# IKEN WOKIM GUTPELA SAMTING LONG YU



IKEN WOKIM GUTPELA SAMTING LONG YU

# United rausim SP Brewary long fainel

**SOKA RIPOT**

IBS PS Yunaited i sotim sans bilong SP Brewary long pilai insait long soka fainel long Pot Mosbi wantaim gutpela win 3-2 long namba wan eliminesen raun las Sande.

Yunaited nau bai bungim Lae Bisket Defence long main semi fainel. Defence i lus long Rapatona long penalti sutaut. Rapatona nau bai bungim maina primia, ANZ Yunivesiti long mesa semi fainel long dispela wiken.

Straika bilong PS Yunaited John Mark i

sevim tru de bilong ol boi Sepik taim em i skorim wining gol. Boi Solomon Ailan husat i save pilai long Rapatona bipo i brukim difens na go skorim gol.

Yunaited i skoa pas taim kepten Nathan Vincent i pulim bal long saitlain i go na bihain kikim i go insait we yangpela Jeffrey Lus i giamanim golkipa bilong SP Brewary Bradley Bakuwai na kikim antap na abrusim het bilong na go insait long net.

Tasol SP Brewary i no wari. Ol tu i strong na kamapim gutpela gem we

i mekim ol PS Yunited i tingting planti.

Kepten Esrom Toligur, Trevor Tamanabae na Fabian Eugene i wok long kamapim gutpla pilai na skorim gol.

Dispela gol bilong SP Brewary i kamap taim Eugene i painim spes long penalti eria taim ol pilaia i resis long bal na kikim i go insait long umben.

Fulbek Joe Gasi i bihainim tru lek bilong brata bilong em, James, i kamapim gutpela gem long beklain. Haitnem bilong James Gasi long 1987 SP Gems long Noumea em, masta, we

PNG tim i winim bronze long soka.

Kosa bilong SP Brewary Baku Bakuwai na tu tim menesmen i amamas tru long gutpela gem bilong yangpela boi Joe Gasi.

Tupela tim wantaim i pilai strong tru tasol PS Yunaited i kamapim bikipela pret wantaim wantas futbol.

Mark na arapela wan pilai bilong em long Rapatona, Paskalis Atalou, i joinim PS Yunaited na kamapim bikipela paia stret long strongim ol Sepik long win.

## Yuni i gat sans bihain long gutpela win

**RAGBI YUNION RIPOT**

**YUNIVESITI**  
i strong tingting long pilai insait long fainel bihain long ol i winim rupela tim, 1RPIR Taurama Bareks, 39-14 long bikipela A gret ragbi union resis long Pot Mosbi.

Ol studen i mekim maialumat difens bilong ol boi Ami na skorim 5-pela trai long helpim tim long win.

Dispela win nau i surikim Yunivesiti i go long namba tu ples long poin tebol bihain long raun tu. Fainels bai stat long dispela wiken.

Poin lata bilong A gret nau i sanap olsem Harlequins 51, Defence 44, Brothers 40, University 39, Telikom 35, 1RPIR

33, Wanderers 21 na Finpac 6.

Yunivesiti em i stap long presa stret long ol i mas win. Olsem na ol i kamapim wanpela strongpela pilai.

Ol fowat bilong Yunivesiti olsem Willie Rikis, Steven Tika, Michael Bai, Veva Hoki, Gabriel Tika na huka Goli Boase i go pas long dispela win bilong ol.

Long beklain Graham Sakora, husat i gat spit i mekim na tupela birua bilong em Patrick Waiuka na Ellison Garisa i painim hat long stapim em taim em i kisim bal.

I tru i bin gat sampela hevi we klostu pait i kamap, ol Yunivesiti i daunim ol yet na soim olsem

ol i gat tingting long pilai ragbi union na i no pait.

1RPIR i aut tasol ol i kamapim gutpela gem tru long givim hat taim long sampela ol biknem tim.

Alcatel Telikom em wanpela strongpela tim husat i sindaun long namba tri ples tasol nau i aut long dispela sisen.

Wanderers i trai hat long suvim het i go insait long fainel tasol ol i lus nogut long Defence 15-0.

Sampela ol top klub nau bai painim taim bikos planti ol sima na gutpela pilaia bilong ol bai stap insait long tim POM Gaigais na POM Boromas long resis bilong Export Lager Nesanel Provincial 15's sempionsip.

## Pait i bagarapim semi fainel

**IAN KAKARERE i raitim**

**BIKPELA PAIT** namel long ol pilaia na sapota bilong Storms na Waliya i bagarapim gutpela semi fainel bilong A gret ragbi lig long Kiunga las wiken.

Storms na Waliya i pilai long painim husat bai pilai insait long gren fainel egensim difending primia tim, Niwaf Raiders.

Olgeta semi fainels i no stat gut long taim na mekim bikipela A gret fainel i statim gem long 5.30 long apinun.

Hevi bilong pait i kamap bihain long sampela pilaia bilong Waliya na joinim Storms.

Waliya i wok long hat tru long kamapim gutpela pilai na bihain pilai long fainels olsem na ol i gat bikipela tingting tru long traim winim Storms.

**RAGBI LIG RIPOT**

Waliya i gat 4-pela tim long semi fainels na laik winim tru dispela gem ya. Ol i lus long riserv na tu tupela junia gret, anda 17 na anda 19 olsem na ol i laik winim tru A gret gem ya.

Pilai i wok long kamap na skoa i wok long tenis 4-pela taim. Winga bilong Storms Rodia Buag i skorim namba wan point bihain long em i mekim gutpela bek-ap pilai long wan pilaia bilong em.

Waliya i bekim taim kepten na senta Yaeti Siakili i yusim spit bilong em long skorim pon bilong ol. Hapbek Dickson Saraka i kikim bal na skoa nau i sanap olsem Waliya 6 na Storms 4.

Huka bilong Storms Mathias Rova i brukim difens bilong Waliya na skorim trai na go pas long skoa 8-6. Orait fulbek Ailisi Kaluga i helpim

Storms gen wantaim arapela trai gen na go pas long skoa 12-8.

Insait long namba tu hap, belhat i wok long kamap na referi Billy Eboa i salim Gamai bilong Storms na Sekili bilong Waliya i go malolo long 10 minit long sinbin.

Sanaka i lukim olsem ol birua i sot long pilaia na ranawe 70 mita long go putim wantaim tru long senta. Winga Stanley Waisama i kikim konvesen na surikim skoa i go long 14-12.

Somono Maitona i putim wanpela trai long lukim Storms i go antap tasol nau hevi i kamap. Maitona em pailaia husat i lusim Waliya na joinim Storms.

Taim Maitona i putim trai, ol sapota bilong Waliya i no sindaun isi, ol i belhat na stat long kamapim pait. Dispela i mekim nau ol sapota bilong Storms i kapsait na bikipela pait tru i kamap.

## Dalos i winim Orogen salens

**SKUL SOKA SALENS RIPOT**

**DE La Salle Hai** Skul klostu long Bomana i winim bikipela soka resis bilong Orogen Skul Soka salens long Anda 17 divisen.

Dispela soka salens i pulim planti ol tim ausait long Pot Mosbi long developim skul soka.

De La Salle i winim Igam 3-2 long penalti kik bihain long tupela tim wantaim i dro 0-0 long fultaim.

Anda 17 fainels ya i pulim tru olgeta sapota long kamap lukim dispela gem.

Ol pilaia bilong De La Salle em planti ol olupela studen bilong Sen Peters husat i skul namba aut long ol haikul insait long Pot Mosbi. Ol i bung na fomim tim long karim nem bilong De La Salle Hai skul.

Ol boi long Bomana i kamapim gutpela pilai stret na i wok long kamapim bikipela pret long ol boi Lae.

Tasol golkipa bilong Igam i wok long sevim planti ol gol e gensim ol lain Bomana.

Ol Igam tu i tingting long bagarapim sindaun bilong De La Salle tasol golkipa bilong De La Salle, Eric Morabang na ol fulbek i wok long banisim gut umben.

Biknem pilaia bilong De La Salle, Gary Moka husat i wanpela memba bilong Anda 23 PNG trening skwat i traim hat tru long brukim kiau tasol i hat liklik.

Na long ol arapela spot, Ted Diro i kamap namba tri na POMIS i kamap namba foa.

Na long resis bilong ol meri, Lae tim i winim St Pauls long kisim taitel na Gordons na Bavaroko i kamap namba tri na namba foa.

POMIS i winim Anda 16 divisen taitel. De La Salle na Gordons Sekendari i kamap namba tu na namba tri.

Gerehu Christian Academy i winim Anda 15 taitel bihain long ol i winim Igam. St Peters, Erima i kamap namba tri na Waigani Praimeri i kamap namba foa ples.

Moitaka i winim Anda 14 taitel taim ol i nekim Coronation. Wardstrip i kisim namba tri ples na St Joseph i stap long namba foa ples.

Taraka Praimeri Skul long Lae i winim Anda 13 taitel. Ted Diro i kamap namba tu, Igam Barracks i kamap namba tri na Philip Aravure i pinis long namba foa ples.

Siaman bilong Orogen 2000 Skul Soka Salens Channel Kakahe i tok amamas long 12-pela komiti bilong em long lukautim ol gem bilong sempionsip.

Em i tok planti skul i salim tim na em i amamas tru ya.

Kakahe i tok Pot Mosbi i holim dispela sempionsip long las tri yia na nau em i tingting long surikim sempionsip i go long Lae we ol skul tim long Momase, Niugini Ailan na tu Hailens i ken kam stap resis.

Long pinisim toktok, siaman i salim bikipela tok tenk yu i go long Orogen long sapotim dispela tonamen.



• Golkipa bilong Taraka (Lae) i kikim bal insait long Anda-15 soka salens bilong Orogen Skul Soka Sempionsip las wiken.



# LAI PSTAIL

## Spak pasin ken kilim yu

PEKU PILIMBO i raitim

"Jeffrey Undi dai pinis. Ol dokta tok lewa bilong em i kuk.

"Bikpela sua i kamap long lewa. Blut nogut long bel i bagarapim olgeta samting insait long bodi bilong em na em dai aste nait," Kansol Arume wok long stori long ol man i stap.

"Man ya bin luk sik taim mi lukim em las wik. Ating dispela sik i bin stap long bodi bilong em," Max-Kombo, narapela wantok i tok.

Paul Wayne, husat i brata tru bilong Jeffrey i luk sori tru na i wok long sindaun i stap.

"Olsem pasin bilong yumi, yumi bung nau long putim K1 o K2 wantaim na salim bodi bilong em long ples, Kansol i tok gen.

Yumi olgeta bai i gat dispela kain hevi sampela taim na mi amamas long lukim olsem yupela planti i kam stap long dispela haus krai," em i tok.

Bihain long em pinisim gret ten long Mendi Hai Skul, Jeffrey, olsem planti narapela yangpela man long PNG i bin kam long Pot Mosbi siti siksipela yia i go pinis.

Jeffrey i tingting long painim wanpela gutpela wok na gat gutpela laip olsem ol man long siti i save gat.

Nambawan taim, ol wantok i bin amamas long lukim Jeffrey. Planti manmeri bin givim bas fea mani, simok, buai na ol i mekim gut long em.

Em i bin painim wok olsem wanpela selsman wantaim wanpela kampani. Em save go raun long ol stua na salim frisa mit olsem sosis, lemb fleps na kakaruk.

Narapela wantok bilong em bin askim em long dringim bia wanpela dei. Em les tasol em laik traim wanpela botol tasol. Bihain kisim narapela, mekim i go na em spak nogut tru. Em bin amamas nogut tru na nait em bin toktok planti na singsing i go tulait.


Long dispela taim i kam inap long taim em dai, em i no abrusim wanpela nait liklik. Olgeta nait em save dringim wanpela strongpela dring bipo long em slip.

Jeffrey save salim ol kaikai long wanwan stua na save makim 50t, 10t o 20t antap long tru prais bilong ol kaikai. Apinun, em save go givim prais tru bilong kaikai bek long papa bilong bisnis. Em save bungim ol dispela mani na baim bia.

Em bin les long bia tru na save baim ol had staf long drink. Long las yia tasol prais bilong ol strongpela drink na smok bin go antap. Bos bilong Jeffrey bin rausim em long wok bikos em bin givim dinau long sampela man na dispela mani em bin kisim na pilai pokis. Mani inap K1000 i bin lus na bos i bin rausim em long wok.

Bipo long em i dai, em i save joinim ol strit mangi long Gordons and painim mani bilong baim bia. Taim nogut bia, em save smokim mariwana wantaim wanpela botol bia na singsing, kros pait na tok nogut i go inap tulait.

Jeffrey bin maritim Anna, wanpela meri Simbu husat save stap long 5 Mile tasol nogat man save



sapos meri i klia olsem Jeffrey i dai pinis. Tupela i bin marit inap tupela yia tasol meri i bin lusim Jeffrey taim em i spak olgeta taim.

Anna wantaim Jeffrey bin gat wanpela pikinini tasol pikinini i dai long wanpela ka eksiden. Anna i bin salim buai na smok arere long rot i stap na bebi bilong tupela i krol i go autsait long rot na ka i bin krugutim.

Anna i bin lukluk i go daun long buai na smok em salim taim dispela birua i kamap long pikinini. Ol man banisim na lukluk long bodi i stap taim em kirap nogut olsem bebi bilong em i dai.

Jeffrey bin kros nogut tru long dispela na wok long dring planti. Em bin go long haus na save kilim Anna hap i dai stret.

Tupela Anna i slip wantaim na kisim narapela bebi tasol Anna i no kisim bel. Ol dokta i sekim tupela na tok Jeffrey i no inap kamapim sperm (hap gris bilong man long kamapim bebi) bai bebi i ken kamap. Bia i bagarapim bol bilong em long kamapim sperm.

Jeffrey i no bilipim tok bilong dokta. Em sutim tok long Anna olsem asusa i stap long em na em i no kisim bel.

Em i no moa givim mani long Anna. Mani em kisim long em em save dring bia tasol. Dispela i mekim na Anna i bin ronawe long em na go stap wantaim ol brata bilong em long 8 mile.

Jeffrey i bin tingting strong olsem em bai kisim gutpela wok na kamapim famili na stap tasol bia i paulim em. Wanpela yia tasol i go pinis na em painim aut olsem wanpela had staf ol i kolim OP i

stap. Dispela had staf i gat bikpela alkohol (marasin bilong mekim man spak) insait na prais bilong em i liklik tru.

Taim em nogat mani long baim, Coca Cola bilong miksim OP bilong em, em save yusim kol wara. Sampela taim em save spak nogut tru na save hapim OP piwa. Planti taim em save komplem olsem em i pilim pen long lewa bilong em. Em save askim ol man long baim milk bilong em na sampela taim save pinisim bikpela kol wara plastik.

Planti manmeri i bin tokim em long noken dringim dispela bia tasol em bikhet na wok long dring yet. Brata bilong em Paul save kros na tambuim em long dringim dispela OP. Planti taim em save kros na pait wantaim Paul taim Paul i no givim em mani. Paul i bin kam long siti na save wok long wanpela bekeri.

Pe bilong em i no bikpela na em i save painim hat long serim mani wantaim Jeffrey. Wanwan taim em save baim smok, buai na givim bas fea mani. Nau em lukim brata bilong em i dai. Ol dokta i bin stori olsem had staf i bin kukim olgeta bel bilong em. Bikpela sua (ulcer) i bin kamap long lewa na pekpek rop long bel na blut i bin kamap.

Dispela bagarap i bin kamap bipo na i stap inap wanpela mun bipo long em i save olsem em i sik. Ol dokta i bin painim hat long katim em bikos olgeta insait bilong Jeffrey i bin kuk na luslus i stap.

Nau Paul i sindaun na wok long salim tingting long hau em bai flaim bodi bilong Jeffrey i go bek long lalibu, we i stap longwe long Sauten Hailans provins.

Prais bilong balus tiket i go antap na em i no save hau em bai kisim dispela mani long salim bodi i go long ples.

Paul i save tu olsem taim balus i go pundaun long Hagen ples balus, i bai nogat ka long karim bodi i go long ples. Mani sot na em prais bilong olgeta samting i go antap tru na em i painim hat taim stret.

Wanpela tingting i tokim Paul olsem hatwok long karim bodi i go long ples, em bai westim olgeta mani. Planim em long 9 Mile Matmt Tasol taim em tingim tupela papamama bilong em husat i no bin lukim Jeffrey longpela taim, tupela bai tingting nogut long em.

Kansol i kirap na tok: "Yumi bai takis nau. Husat man yu gat mani i ken putim hamas yu laik putim."

"Dispela man i bin stap gutpela pren bilong yumi tasol yumi no save wanem samting i bin kisim laip bilong em," em i tok.

"Sampela manmeri i givim sampela mani inap long K2,700 pinis na mi holim i stap.

"Meba bilong yumi long palamen tu i bin givim K1,000 na mi holim i stap," Kansol i tok.

Planti manmeri i bin tingting olsem ol manmeri long ples i bin poisinim Jeffrey tasol samting tru em had staf i kilim em.

"Ol dokta i bin tok Jeffrey i dai long had staf," Kansol i tok.

"Planti yangpela long ol taun na siti bilong yumi save smokim mariwana na dringim dispela ol had staf i bai kisim wankain bagarap.

"Yumi bung i stap na mi tokim yupela, skulim pikinini bilong yu gut.

"Tokim ol olsem ol i noken kisim dispela kain ol strongpela dring na bagarapim bodi na kilim ol yet," em i tok.

"Jeffrey i no bin yusim het bilong em na nau em i dai," Kansol i tok.

Sapos yu les long manmeri i bihainim rot Jeffrey i kisim orait tokim ol lain husat i mekim olsem long stap," em i tok.

"Tokim ol tu olsem ol i noken westim mani nating bikos ol bai pispisim dispela bia na taim bilong bungim mani long marit, kompens-esen o karim bodi bilong man long ples bai nogat mani," Kansol i tok.


Jeffrey i dai tasol i gat wankain man olsem em pulap long olgeta hap bilong kantri. sapos nogat wanpela tenis i kamap long pasin bilong ol, ol dispela lain manmeri inap lusim laip bilong ol olsem Jeffrey.

Planti manmeri i mas tingting gut bipo long ol i dring na smok mariwana sapos ol les long salim bodi bilong i go long ples long wanpela kofin boks olsem Jeffrey.

Jeffrey i no yusim het bilong em na kilim em yet na givim hatwok long narapela man. Nau olgeta hatwok bai Paul i karim na em i les nogut tru taim em tingting long hau em bai karim bodi bilong brata go long ples. Em save olsem em nogat inap mani long mekim dispela wok. Em tingting long dinauim sampela mani long ol wantok pastaim na bihain traim bekim isi isi.

Kastom i tok Paul i mas kisim bodi i go long ples olsem na em bai mekim olsem tasol. Maski long wanem kain hevi em kusim.

## If it's true that mining and logging will always bring development to local people, then whatever happened at Dogtown?



This picture shows exactly where the town of "Dogtown" used to be. Dogtown was in America's state of California.

Gold was found in Dogtown in the year 1857. You can still see some mining evidence in this picture. See the piles of tailings?

Lots of people came to Dogtown to get rich. They dug for gold and sold the gold they could find. These people were happy because they were getting full benefits from the resource ... just like we say we want here in PNG.

But the gold finally finished in Dogtown, just like it does everywhere else. Just like copper, silver, oil and gas are used up and then are gone from a place.


When the gold finished in Dogtown, the money quickly finished. The stores and buildings disappeared. Everything went back to bush.

Whatever happened to Dogtown? America is a developed country with some rich people. But how rich are the Americans who owned this land where all the gold of Dogtown came from? Answer: They aren't!

We say that bringing more big logging and mining companies to PNG will bring development. Landowners want mines and logging on their land.

**Are the resource owners developing from all this activity?  
Or are we just making a lot of Dogtowns here in PNG? You decide!**

**ENVIRONMENTAL LAW CENTER LTD.**



# Pasin bilong bipo



**B**IPO BIPO tru, tupela manmeri i bin stap long wanpela ples. Dispela taim tupela i nogat kaikai long dispela ples tupela i stap long en. Olsem na long wanpela de man i askim meri bilong em olsem; "inap mi tupela katim wanpela saksak, o nogat?"

Meri i tok, "Gutpela. mi tupela katim wanpela draipela saksak bilong mi tupela. Nogut bihain mi tupela painim hangre."

Long dispela tupela i pasim tok pinis na long moning long narapela de, tupela i go wantaim bilong katim saksak pinis. Tupela i rausim bun bilong saksak na man bilong em i paitim saksak i stap long pasin tumbuna.

Long dispela hap antap tru long maut-enol i no save putim klos bilong waitman. Tupela i putim ol klos bilong tumbuna. Olsem na man bilong em i putim raunpela skin kambang na tupela boi i hangamap nating. Long baksait em hangamapim blakpela olpela bilum. Na long tupela as em i supim tupela pasim na long nus em i supim tupela tit bilong pik. Tupela tit i krungut na longpela tru.

Long dispela taim, em i as krangki nogut tru, na em i paitim saksak i stap na meri bilong em tu em i bilas nogut tru, em i pasim purpur long baksait na long fran. Na em i supim as kumul long hat bilong em, na man tu em i mekim olsem.

Meri bilong em i redim pinis ol samting bilong pasim saksak. Em i planim sampela liklik diwai klostu long wanpela raunwara. Bihain em i pinisim wok pinis nau em i go karim pangal bilong saksak na em i putim antap long stik na em i planim long em.

Bihain i kam antap klostu tru, em i go lukim man long as bilong saksak. Man bilong em i stapim tupela limbum saksak pinis nau na meri i karim wanpela limbum saksak na aninit long bek bilong wasim

saksak em i putim wanpela longpela limbum.

Long tri kilok samting man i lusim wok na em i go ong haus.

Em i pasim smok pinis na kisim bunara na spia na nau em i go painim abus. Meri bilong em i wasim saksak pinis na em i go long haus na em i brukim sampela paiawut i stap.

Long apinun tru olsem faiv kilok samting man bilong em i karim wanpela waitpela kapul i kam.

Tupela i katim kapul pikinini na tupela mumuim em. Long dispela taim tupela i kukim saksak nating long paia na tupela kaikai wantaim kapul.

Long moning tru man i go painim pisin long bus. Em i painim i go i go na nogut tru. Em i no sutim wanpela pisin na em i kam bek long haus. Tasol klostu long arere long haus em i sutim wanpela pisin ol kolim welpaul. Em i karim dispela pisin i kam long haus.

Meri em i go bilong wanem wanpela limbum saksak i stap. Man ya i kukim pisin pinis na em i kaikai olgeta. Em i no

putim hap bilong meri, nogat tru. Em i putim gras bilong pisin tasol. Em yet i go paitim saksak i stap. Meri bilong em i kam long haus tasol em i lukim gras pisin ya.

Man, man em i pulap i stap. nau em i tingting planti i stap. Bihain em i kirap na sekim olgeta het pinis, nau em i go bek long ples em i wasim saksak long en.

Long dispela taim tasol meri i kilim wanpela retpela snek bilong graun. Em i kukim dispela snek i stap na wantu draipela tais i karamapim em. Em i trip namel long wara taosi na win i dai olgeta.

Long dispela taim man bilong em i ronawe i go long bikbus.

Dispela tais tude em i stap yet. Nem bilong dispela tais, long tok ples mipela i save kolim olsem Dawia plumb. Mining olsem dispela tais i bin kisim wanpela meri pinis. Tude sampela waitman i save i go lukim dispela tais. Dispela tais i stap long hap bilong Imonda. Nem bilong tupela man na meriem Maiva. Nem bilong meri em Sawa.

**Daniel Mai Erave, SHP.**



**Nem:** Abaijah Joseph  
**Krismas:** 24 (man)  
**Adres:** P.O. Box 62, Menyamya, Morobe Province.  
**Save laikim:** Harim musik, tok pilai, senisim poto, pilai gita, toktok long ol manmeri husat i go long haus sik.

**Nem:** Friel Sakane  
**Krismas:** 18 (man)  
**Adres:** Menyamya Vocational Training Centre, P.O. Box 55, Lae, Morobe Province.  
**Save laikim:** Mi laik wokim banis haus, pilai spot, gaden, daiving, lukautim ol pik, kakaruk, ritim buk, niuspepa, painim abus long bus, serim kaikai, raun long narapela ples, go lotu na tok tok long manmeri long gut nius.

**Nem:** Abigail Kongkori  
**Krismas:** 18 (meri)  
**Adres:** Holy Cross High School, PMB Rabaul, Nissan Island North Solomons Province.  
**Save laikim:** Pilai volibal, ritim buk, go long lotu, wok long gaden na watchim TV.

**Nem:** Western Solomon Kondic  
**Krismas:** 21 (man)  
**Adres:** Kopilian Kanage, P.O. Box 1555, Mt Hagen 281, WHP.  
**Save laikim:** Singim lotu singsing, go lotu, ritim ol buks na mekim pen pren wantaim ol manmeri (marit o singel) wantaim na save laikim long ritim Wantok niuspepa.

**Nem:** Kunny Francis Kongo  
**Krismas:** 18 (man)  
**Adres:** Bialla Enterprises, P.O. Box 288, Bialla, West New Britain Province.  
**Save laikim:** Harim ol gospel musik, pilai soka-bal, pilai volibal, na save laik lukim EMTV, tok pilai na senisim ol samting i go kam.

**Nem:** Jeram Maim  
**Krismas:** 18 (man)  
**Adres:** P.O. Box 619, Madang, NCR.  
**Save laikim:** Harim musik, raitim pas na go long lotu.

**Nem:** Peter Tom  
**Krismas:** 19 (man)  
**Adres:** P.O. Box 521, Madang.  
**Save laikim:** Raitim pas, go long lotu na harim musik.

**Nem:** James Kamtai  
**Krismas:** 18 (man)  
**Adres:** PNG Forest Product, P.O. Box 34, Bulolo, Morobe Province.  
**Save laikim:** Pilai ragbi, pilai gita, harim gospel na laik salim pas long ol pren.

**Nem:** Tom Kama  
**Krismas:** 20 (man)  
**Adres:** C/o - Susan Serah, P.O. Box 351, Lae, Morobe Province.  
**Save laikim:** Go lotu, serim ol samting wantaim ol poroman, tok pilai, senisim ol potos na raun long lukim ol wantok.

**Nem:** Moses Anum Owuadey  
**Krismas:** 22 (man)  
**Adres:** P.O. Box 369, Nungua, ACCRA, Ghana, o C/o - Emmanuel Boateng, Fax; No. 022 - 205592 Tema.  
**Save laikim:** Rait long ol pen pren.

**Nem:** Ernestina Ama Marcourt  
**Krismas:** 25 meri  
**Adres:** London Bridge Road, P.O. Box 1404, Cape Coast Ghana, West Africa.  
**Save laikim:** Raun, kuk, rit na singsing.

**Nem:** Margaret Teiku  
**Adres:** P.O. Box CT - 647, Oguaa State, Central Region, Ghana, Western Africa.  
**Krismas:** 25 meri  
**Save laikim:** Raun, kuk, rit, singsing, stap isi long laip bilong yu na prensip na marit.



# Meri i paul raun na mi kisim bikpela bel hevi long dispela

**DIA PREN,**  
Mipela sori tru long bikpela hevi yu kisim long dispela pasin meri bilong yu i mekim long yu. Nambawan em mipela laik tokim yu olsem mipela long LAIPLAIN i save holim ol toktok na adres bilong ol manmeri husat in gat hevi tasol mipela i gat bikpela tok promis long ol olsem mipela bai i no inap givim ol dispela toktok na adres i go aut long pablik. Mipela i mas kisim tok orait pastaim long ol manmeri bipo long mipela givim aut ol dispela kain toktok na adres long ol narapela manmeri.

Mipela i no kliã taim yu tok yu lusim lotu bihain long meri bilong yu i bin paul raun wantaim narapela man. Yu min long tok yu no moa go lotu o yu laik tok yu lusim bilip bilong yu long God? Mipela i sori tasol wanpela gutpela samting em, taim bilong hevi olsem, i gutpela long yu holim bilip bilong yu long God na dispela i ken givim yu strong.

Planti kristen i painim aut olsem taim bilong hevi olsem yu gat, bilip bilong wanwan man i save kam aninit long

traim. Hevi bai mekim yu tingting i no moa gutpela long yu holim pasim dispela bilip yu gat. Sapos bilip bilong man i save strong, dispela kain traime bai i no inap long mekim man i lusim bilip bilong em. Mipela tingting strong olsem bai yu no inap lusim bilip bilong yu. Yu bai traime long kamap moa strong long bilip bilong yu aninit long dispela hevi yu gat nau. Ating dispela i wanpela traime long mekim bilip bilong yu i kamap moa strong. Em i gutpela sapos yu toktok long dispela ol samting wantaim pasto o pater bilong yu long wanem gutpela samting yu inap mekim long noken lusim bilip bilong yu long God.

Yumi toktok long lotu na pasin bilong bilip i go na dispela i kisim yu kam long pasin bilong fогivim sin. Yu tok olsem meri bilong yu i paul tripela yia i go pinis tasol nau em i orait. Em i no moa paul wantaim narapela man moa nau. Dispela em tru a?

I mas i gat wanpela as wai meri bilong yu i bin paul wantaim dispela man tripela yia i go pinis. Meri bin tokim yu

bilong wanem em i bin paul wantaim dispela narapela man o nogat? Dispela pasin em i mekim i traime bekim sampela pasin yu bin mekim long em o? Ating yu bin lus tingting long em longpela taim o inap save mekim sampela samting we meri bilong yu i laikim long em? Meri bin askim yu long lusim ol dispela rong bilong em o nogat? Tingting strong long lusim rong narapela i mekim long yu i wanpela bikpela samting we i save testim bilip bilong planti kristen manmeri long graun tude.

Ating i gat sampela lain manmeri long sait bilong yu na em long pasto o pater inap yu toktok wantaim long ol bai ol i ken givim tingting long tupela long stretim dispela hevi namel long famili bilong yu tupela. Ol pikinini i laikim na ol i mas kisim gutpela papamama husat i save stap gut wantaim wanpela arapela. Yu mas tingting gut bikos wanem samting yu wantaim meri i laik mekim bai inap long bagarapim sindaun bilong ol pikinini.

**LAIPLAIN**

**DIA AIPLAIN,**

Mi marit long wanpela meri bilong ples bilong mi stret na mitupela i gat tripela pikinini.

Tripela yia i go pinis meri bilong mi bin paul wantaim narapela man na taim mi painim aut, dispela i bagarapim tingting bilong mi na laip bilong mi i bagarap olgeta.

Mi lusim lotu pasin olgeta tasol wanwan taim mi save askim God long helpim mi.

Mi tingting long lusim meri bilong mi na painim narapela husat i no inap pamuk na mekim dispela kain paul pasin. Tasol dispela samting i hat tru. Sapos yupela i gat nem na adres bilong wanpela meri i gat wankain hevi, plis inap yupela salim i kam long mi?

**DISTURBED**

# CASH IN THE CAN

## OX & PALM

**1000'S  
OF KINA  
TO BE  
WON**



When you open your favourite Ox & Palm 340g tin look under the lid to see if you have won.

You can win instant prizes of K50, K100, K250, K500 or K1000 cash.

**TO CLAIM YOUR PRIZE**

Send in your winning lid plus your name & address to:


Hugo Canning  
P O Box 635  
Boroko NCD



## Bikpela selebresen i bin kamap long Stedium Australia

OLIMPIK gems em bikpela wol pilai we planti kantri long wol i bin bung insait long 16-pela de olgeta, stat long Septemba 16 i bin pinis long las Sande Oktoba 1. Bikpela selebresen i bin kamap long Stedium Australia we moa long 100,000 ol pilaia na pablik i bin bung long amamas na pasim namba 27 Sidni Olimpik pilai long las Sande nait.

Presiden bilong Intenesenel Olimpiks Komiti Juan Antonio Samaranch long taim bilong pasim seremoni long Sande nait i bin tok dispela pilai long Sidni i bin kamap gut tru na



Noken ting em meri nating, nogat em save ron olsem win ya! • Marion Jones em top meri bilong ron spit stret i winim gol long 200 mita ron na holim fleg bilong Amerika. Long raithan Kathy Freeman bilong Australia em top rana long 400 mita i kongretuletim Marion long win bilong em. Piksa i kam long Weekend Australian niuspepa.

Australia i bin mekim gut tru ol wok redi, rot we pilai i go long en. Na em i tok long histri bilong Olimpiks gems i kam inap long nau, Australia i kamap namba wan o top olsem kantri we i mekim gut olgeta wok redi long sait bilong lukautim ol lain i bin stap insait long ol pilai, gat ol gutpela ples bilong pilai long en na ol arapela samting i sut long dispela Olimpiks pilai ya.

Moa long 10,000 pilaia i bin stap insait long dispela bikpela pilai. Planti ol gutpela samting i bin kamap. Planti pilaia i wokim pren wantaim ol arapela na ol pilaia i brukim ol wol rekot, ol Olimpik rekot na nesene rekot long wan wan kantri bilong ol. Bikpela samting em ol pilaia i amamas; wokim pren pasin na save na tu luk-save long wanpela arapela.

PNG i bin salim faivpela pilaia i go long dispela pilai. Masi ol i no win, i gutpela ol i traim bes bilong ol. Long dispela pilaia, ol i luksave long wanem eria ol i ken mekim gut na ol i ken trai hat moa long neks pilai we bai kamap long asples kantri bilong Olimpik Gems em long Athens, Gris. Em long yia 2004.

Ol pilaia bilong Yunaitet Stets i kamap strong tru na kanti i kamap top taim em i winim 97 medal we 39 em gol, 25 solva na 33 brons.

Rasia i kamap namba tu wantaim 88 medal we long en 32 em gol, 28 solva na 28 brons. Saina i kamap namba tri wantaim 59 medal. Twenti eit em gol, 16 silva na 15 brons. Hos kantri Australia we pilai i bin kamap long en i kamap namba foa wantaim 58 medal. Em bin winim 16 gol, 25 silva na 17 brons. Gemeni i bin kamap namba faiv wantaim 57 medal we long en 14 em gol, 17 solva na 26 brons. Frans i kamap namba siks wantaim 38 medal, Itali namba 7 wantaim 34 medal, Nedalens namba 8 wantaim 25 medal, Cuba namba nain wantaim 29 medal, Gret Briten namba 10 wantaim 28 medal, Romania namba 11 wantaim 26 medal, Saut Korea namba 12 wantaim 28 medal, Hangari namba 13 wantaim 117 medal, Polan namba 14 wantaim 14 medal na Japan namba 15 wantaim 18-pela medal.

Long soka tonamen, Kamerun long Afrika i bin autim tiket bilong ol biknem soka kantri



• Michelle Timms na Trish Fallon i amamas taim ol i autim tiket bilong Brasil long basketbal fainel wantaim 64 poins. Brasil i bin skorim 52. Em bin wanpela strongpela pilai. Piksa i kam long Weekend Australian niuspepa.

taim em i winim Spain wantaim faivpela gol. Spain i bin kikim tripela gol tasol. Sapin i bin winim gol medal long 1992 Baselona Olimpiks.

Long longpela 110,000 mita maraton ron bilong ol meri, Etiopia i bin wokim gut tru taim ol i kisim gol na silva medal. na wankain tu long maraton bilong ol man we Gezahgne Abera i winim gol na narapela poroman Tesvaye Tola i winim brons taim em i kamap namba tri. Eric Wainaina bilong Kenya i bin kisim silva.

Planti ol ron resis em ol Kenya, Etiopia, Jamaica, Bahamas, Yunaitet Stets na Gret Briten pilaia i bin stap long en na winim.

Sampela ol pilaia we i bin wokim gut tru na nem bilong ol i pairap antap long dispela Sidni olimpiks na apim nem bilong kantri, pipel na gavman bilong ol em long Marion Jones bilong Amerika we i kamap top tru na em i gat nem long 200 mita na ol arapela pilai ron, Maurice Greene bilong Amerika tu i winim 100 mita resis ron na i kamap olsem top spit rana long wol, Kathy Freeman bilong Australia husat i wokim gut tru long 400 mita ron.

Solomon Allan:

## Hevi long Solomon Ailan i stap yet

HEVI long Solomon Ailan i no pinis yet, em i go het yet. Na ol paitman insait long Solomon Ailan husat i bin haijekim wanpela liklik balus na holim pasim pailot long Septemba 16 i wok long singaut long K1.34 milien kompensesen.

Long dispela taim (Septemba 16), wanpela grup long Isatabu Freedom Muvmen em ol paitman bilong Guadalkanal i bin haijekim balus bilong Solomon Ealain long Babanakira long Guadalkanal wantaim apilot Eric Rove na ol i holim ol i stap yet.

Hevi long Solomon Ailan we i bin stat long mun Mas las yia na i go nogut long Jun 6 bilong dispela yia i stap yet. Ol toktok long traim stretim hevi i wok long go het yet.

Wanpela Yunaitet Nesens grup i bin mekim wanpela lukluk raun i go long Solomon Ailan long las wik bilong glasim ol samting na panim gutpela rot bilong mekim ol paitgrup i lusim ol samting bilong pait long ol.

**Indonesia:**

PLANTI soldia na plis bilong Indonesia i bin raunim nainpela ples we ol militia grup i stap long en long hap bilong Wes Timor long stat bilong tripela operesen long kisim ol samting bilong pait long ol dispela paitgrup, ol ripot i tok.

Ol plis na ami i wokim olsem bihain long detlain we gavman i bin putim long ol dispela militia grup long lusim ol samting bilong pait long en

# TRUKAI LAKI PEK PROMOSEN ISTAT PINIS!

Baim 1kg Trukai Rais pakets igat Laki Pek namba. Na igo insait long dro na winim ol prais moni inap long K2,000.

Lukim EM TV, PNG Extra long olgeta Mandei nait dro long ansa, na harim long Nau Fm, Yumi Fm na lukluk insait long Post Courier na National long olgeta Tusdei, na long Wantok Niuspepa long olgeta Fraidei.

**trukai**  
RICE





## Erima - 5 Mile Bris bai pinis wanem taim

**Dia Edita,**

Mi wanpela mangi husat save katim sot kat long Erima na kamap long 5 Mile. Dispela-bris i kisim klostu wan yia nau long pinisim. Sapos sampela gutpela kampani i mekim dispela bris, ating em bai pinis long taim. Wanem samting rong, Mani sot o?

Krismas klostu nau na dispela em taim bilong bikpela ren i save kam. Liklik hap pipia bris yupela wokim bilong ol manmeri i wokabaut i go i kam long en ya bai wara i karim. Bikpela bris mas pinis hariap na ol manmeri na skul pikinini bai i no inap painim birua o westim mani na bai bas raunim i go 7 Mile o 4 Mile we. Longpela taim nau na i luk olsem bris wok i wok long go isi isi tru.

Traim hariap liklik na pinisim bris. Nogut wet sisen i kam painim yupela na hap wok yupela mekim i stap ya bai wara i karim. Mipela ol manmeri i wok long peim takis na nau 10 pesen VAT i go antap na ol dispela mani i go we. Em tasol.

Tennis Ena, Waigani.

## Memba bilong Saut Waghi i go we?

**Dia Edita,**

Mi wanpela mangi Minj tasol nau mi stap long Pot Mosbi. Mi save ritim long niuspepa ol developmen memba bilong Not Waghi i wok long mekim tasol mi no klia liklik long wanem ol samting memba bilong mipela Saut Waghi i kamapim.

Em mekim sampela samting o nogat? I gat sampela developmen i kamap long Saut Waghi i nogat? Ol narapela memba i kisim sevis i go long ples tasol mi no ken klia sapos memba bilong mipela mekim wankain. Ating mi stap long Mosbi tasol na mi harim na lukim sampela samting i kamap.

Dokta Fabian Pok i go givim K3 milien long ol lain pipel bilong em las taim tasol. Memba bilong Saut Waghi wanem taim bai em i karim bilong ol pipel long Minj i kam. Mi stap longwe long ples na i gutpela sapos memba i tok save long niuspepa wanem sam-

ing em mekim long helpim ol pipel bilong ples.

Nem bilong memba bilong mipela i no save pairap long niuspepa, redio o TV na mi wok long tingting planti sapos mipela ol pipel bilong Saut Waghi i gat wanpela Palamn memba.

Bihain klostu long tripela o foapela yia nau na mi lus tingting long nem bilong memba bilong mi tu. Ating mi bilong Minj na em bilong Anlimp sait na mi mas mekim olsem.

Mi sori tru long lukim olsem nem bilong memba bilong mi lus long tingting bilong mi bikos mi no save sapos em i stap laip o lusim ples na go long narapela hap. Plis ol sampeal kaunselos tok save long mi wanem hap mi inap painim em.

Tenk yu tru. Husat long tok mi giaman. Em yu welkam tasol.

Dominic Pareka  
Morata, Pot Mosbi.

## Mekim save long spakman

**Dia Edita,**

Mi rait long komplek long pasin bilong ol spakman long Gordons Maket. Ol i save ting ol i bosim dispela maket ples stret. Ol bai spak krangi na mekim nabaut long ol manmeri i laik salim ol kaikai o manmeri husat i kam bilong baim ol dispela kaikai. Bikpela sem pasin stret long lukim olsem planti i save raunim ol mama na askim ol long givim 10t o 20t olsem graun takis. Mi save ting graun bilong NCDC tasol ol i laik tek ova na mekim. Ol nogat mani bilong dring na tu ol dispela mani i no dringim bia tru, ol dring wanpela bilong mekim maus i smel bia na samting tru em ol i save smokim spak brus o mariwana. Mi laik askim ol plisman long mekim save long dispela ol man. Ol i nogat rispek long ol mama, susa na sampela gutpela manmeri husat i kam raun long maket. Plis i mas holim pasim dispela ol giaman spakman na utim ol wanpela o tupela nait long sel na traime lukim. Sapos nogat samting i kamap, bai yumi lukim planti moa bilong ol dispela spakman pulap long Gordons Maket. Tenk yu Tru.

Cathy Eke  
Lapwing Drive, Gordons.

# Kakau fementri mas hapim pe bilong baim kakau

**Dia Edita,**

HIA em mi Benjamin A Wep nau mi laik autim komplek bilong mi i go long ol papa bilong ol fementri insait long Vanimo.

Komplek bilong mi i go olsem. Planti taim mi save lukim ol lain wokman long fementri ol i save raun na baim kakau bilong mipela olgeta taim long i daun tru. Ol i no save senisim liklik i nogat na i nogat tru.

Olsem wanem yupela ol papa bilong ol fementri i save mekim bikpela wok long mipela ol mipela ol fama i save mekim bikpela wok. Yumi traime long skelim. Yupela ken lukim.

Turangu mipela ol fama mipela save mekim bikpela wok long kilim na lukautim kakau taim kakau i liklik yet na i kam inap em i karim, orait em i redi long salim nau mipela i save kisim na brukim na karim i go long rot sait.

Sapos gaden kakau i long we long rot em mipela i save mekim bikpela wok tumas long yupela ol papa bilong ol fementri.

Yupela nau kam tasol na baim na kisim i go draim tasol na salim kisim mani isi tasol. Lukim yupela i no mekim bikpela wok. Bikpela wok turangu mipela ol fama i save mekim.

Tasol yupela peim mipela long

pe i liklik tumas. Olsem na nau mi laik askim yupela ol papa bilong ol fementri, plis yupela nau i mas senisim ol mak bilong yupela statim long dispela taim na i go long neks yia.

Yupela i les man tru na i no save long groim kakau. Sindaun tasol na mekim mani long hatwok bilong mipela ol liklik fama. Traime hapim prais liklik na mipela ol liklik fama amamas na groim plant kakau bai yupela ken mekim moa profit long ol dispela. Nau dispela liklik prais yupela peim mipela long en i no inap na planti fama i les pinis.

Mak yupela i mas senisim i go antap liklik long 45t o 50t em bai mipela ol fama i wan bel liklik wan-

taim yupela. Sapos i nogat mipela bai stopim wet bin bilong mipela na bai yupela draim wanem samting long fementri bilong yupela na salim bilong kisim mani. Luk olsem bai yupela kisim taim na sindaun nating stap.

Olsem na nau mi laik askim yupela long senisim mak na helpim ol fama bai ol i amamas long wok bilong ol na bilong yumi ken wok bung wantaim na amamas long kain gutpela wok bung. So plis nau mi laikim yupela ol papa bilong fementri yupela i mas senisim mak i go antap long 40t o 45t em bai mekim mipela ol fama bai amamas liklik bikos bikpela wok em mipela i save mekim.

Sapos yupela i no sensim mak em bai i luk olsem fementri bilong yupela bai i nogat wok bilong en.

Em bai sanap nating na yupela yet bai wok long liklik kakau bilong yupela yet. Mipela sampela fama bai i no moa salim long yupela long baim wet bin bilong mipela. Mipela bai stopim na wetim tasol senis bilong pe.

Em tasol mi pinis long hia, husat man o meri i laik sapotim o egenim rait tasol i kam long Wanok niuspepa na bai mi ken lukim. Tenk yu tru.

Benjamin A Wep  
Vanimo

# OLGETA PMV ONA

**BUNG WANTAIM ELA MOTORS  
PMV KLAB NAU**

Hey wantok... Sapos yu onim Toyota PMV yu inap long joinim dispela niupela Toyota PMV Klap, em i fri tasol! Kam tasol long Ela Motors Brens kloustu long hap bilong yu na pulumapim aplikesen fom. Em i isi tru. Ela Motors bai i lukim ol aplikesen fom bilong yu na bai yu kisim PMV Membasip Kard na Klab Kit wantaim T-Shirt, Kap na ol samting long bilasim PMV bilong yu. Olgeta em i fri tasol! Narapela samting mo, bai yu kisim fri Klab Kit long wan wan Toyota PMV yu onim! Sapos yu Klab Memba nau bai yu inap long kisim ol spesol diskaunt long ol Sevis na Pats long Ela Motors. Em nau! Kam na lukim mipela long Ela Motors nau.

**PMV KLAB MEMBASIP  
I GAT :-**

- 15% DISKAUNT LONG PATS
- 15% DISKAUNT LONG SEVIS
- LEIBA LONG FIX RATES
- HARIAP LONG KISIM SEVIS
- FRI PIK AP NA DROP OF TAIM PMV STAP LONG SEVIS

PORT MORESBY PH 3229400  
LAE PH 4722322  
KOKOPO PH 9829100  
MADANG PH 8522188  
GOROKA PH 7321844  
MT HAGEN PH 5421888  
WEWAK PH 8562255  
KAVIENG PH 9842788  
KIMBE PH 9835155  
TABUBIL PH 5489060  
VANIMO PH 8571254  
PORGERA PH 5479367  
BUKA PH 9739017  
LIHIR PH 9864099  
ALOTAU PH 6410100

VISIT OUR WEBSITE  
<http://www.elamotors.com.pg>

**Ela Motors**  
TOYOTA  
**PMV**  
CLUB


**Ela Motors**  
PARTS & SERVICE



**WOK BISNIS**  
 MANDE IGO FRAIDE  
 8.am Igo 5.pm apinun

**WANTOK**  
 KLASIFAIID TELIPON: 325 2500

**ADVATAISIN SELS**  
 Miri Alort: ext 214 Walter D.Edward :ext 218  
 John Iageta: ext 217



**WORD PUBLISHING COMPANY LTD.**

Your Word Publishing weeklies, The Independent (English) and Wantok (Tok Pisin), and the monthly business publication, PNG Business, are on sale at the following Street Sales (S/Sales) location and Retail Outlets throughout the country.

**NATIONAL CAPITAL DISTRICT (NCD)**

- Badili - Kwik Shop - Mobil Badili - Andersons Koki
- Boroko - Kwik Shop (Mobil Lahara)
- Stop N Shop - Boroko
- S/Sales - Boroko Post Office
- 4 Mile Bus Stop
- 5 Mile - Mobil Kwik Shop
- Gerehu - Stop N Shop - Rainbow - Mobil Kwik Shop
- Rainbow
- Gordons - Boroko Foodworld - Erima Supermarket
- S/Sales - Gordons Market Bus Stops
- 7 Mile - Gateway Hotel Newsagency
- 3 Mile - Moresby Newsagency (SVS Taurama)
- S/Sales - Foodland Bus Stop
- Town - Steamships Main Store - Mobil Kwik Shop
- Ela Beach - Stop N Shop - Ela Beach
- S/Sales - Town Bus Stops
- Waigani Govt Offices - S/Sales - Pineapple Building
- PSSA Haus
- Waigani Dr - Stop N Shop Waigani - Mobil Kwik Shop
- Islander roundabout - Islander Hotel
- NewsAgency
- BP Petrol Station - Waigani Drive
- S/Sales - PNGBC Bus Stop
- N/Waigani - Stop N Shop Supermarket
- S/Sales - Front of TST Supermarket
- University Forum Area

**LAE CITY**

- Eriku - Bulae News Agency (Andersons Eriku)
- Snack Bar - Mobil Service Station
- Top Town - STC JV Best Buy
- S/Sales - Market Gate

- Outside Post Office
- Front of Belgen Supermarket

**PROVINCES**

- Aitape - W & R Parer Pty Ltd
- Alotau - Alotau Newsagency (Papindo)
- Angoram - C/- Catholic Church Angoram
- Balmuru - Balmuru Traders
- Buka - Buka Enterprises Pty Ltd
- S/Sales - C/- David Kanatsi
- Finschhafen - Tisoeml Enterprises
- Goroka - S/Sales - Post Office - Town Market
- Provincial Govt Office
- Kainantu - S/Sales - Front of KKB Store
- Kavieng - Andersons Foodland - Haus Toksave
- Kikori - Delta Kikori
- Kimbe - Kimbe News Agency
- Kiunga - Progressive Traders
- Kundiawa - Silka Pty Ltd
- Kokopo - Andersons Foodland
- Lihir - Antoniom Best Buy
- Losula - Konki Enterprise Limited
- Madang - Andersons Foodland - Best Buy - T. Tam Yan
- S/Sales - C/- Jim Free Wosyari
- Mendi - C/- Catholic Dalocese Mendi
- Mt Hagen - John Forster Pty Ltd
- Namatanai - Buluminski Enterprise
- Rabaul - Andersons Foodland - Shell Petrol Station
- Tabubil - Tabubil Newsagency - Tabubil Superstore
- Ukarumpa - SIL Members Store
- Vanimo - Steamships JV
- Wau - Nangamanga Pty Ltd
- Wewak - Christian Bookshop (China Town)
- S/Sales - Front of Air Niugini office

Independent - 80t / Wantok - 70t / PNG Business - K1.00  
*buy your papers from your above outlets!*

**BUSINESS OPPORTUNITY  
 IN NEWSPAPER SALES  
 IN NCD**

If you own a ute, and live in the National Capital District, then this message is for you.

Word Publishing, a Church-run newspaper organisation, the publishers of

**Wantok,**  
**The Independent**

and the monthly **PNG BUSINESS** is looking for a Street Sales Agent in NCD.

*An attractive commission is offered for a suitable person.*

**Contact**

Leo Wafiwa on  
**Ph: 325 2500**  
 to get further details.

**Special Features** are an integral part of new reporting. And at Word Publishing, we do our best to present reports that are fair, informative as well as educational.

If you are celebrating an anniversary, launching a new product or opening a new building, call our supplements Editor or Advertising Manager on:

**PHONE: 325 2500 or FAX: 325 2579**

**We can cover your Business in both  
 ENGLISH and PIDGIN!**

# YOUR ACCOMMODATION GUIDE

*For your Reservation, Book Now!*

## Port Moresby

### BUDGET INN

QUALITY FOR LESS  
Affordable airconditioned rooms with  
ensuites for Business and Holiday makers  
Pokies and Restaurant Facilities available  
**323 1611**  
Fax: 325 5991  
P.O. Box 6361, Boroko.

## Rabaul

### THE BEACH HUT LODGE



**K95.00**  
per night  
P.O. BOX 924, RABAUL, E.N.B.P.  
PHONE: 982 9226 FAX: 982 9225

## Lae

### KLINKII LODGE

Lae  
25 Rooms  
Breakfast, Lunch, Dinner available  
**GROUP BOOKING DISCOUNTS**  
**472 6040 472 7359**  
Facsimile: 472 5931

## Hagen

### NU-WAKA LODGE

*Cheapest Executive Suite Rooms at Affordable Rates:*  
\* Two Restaurants \* Hauswin Bar \* 17 Deluxe Rooms  
\* Satellite TV, In-House Movies, Phones, Freezes, Shower and  
Coffee making facilities in each room.  
\* Located 1km to Town from Airport \* Safest, Friendly Environment  
\* Special Weekender Rates  
"When in Hagen, Stay With Us"  
**Ph: 542 2888 Fax: 542 2886**  
P.O. Box 739, Mt Hagen

## IN THE HEART OF THE CITY



*The Most Convenient  
And Comfortable  
Budget Accommodation*  
All Airconditioned Rooms with  
Satellite Colour TV  
**321 7983**  
Fax: 321 7396  
Cnr. Douglas & Hunter Sts.  
P.O. Box 1319, Port Moresby

## Rabaul




### Hamamas Hotel

"Simply the best address in town"  
**BUDGET rent-a-car CAR**  
Airport Lounge  
P.O. Box 214, Rabaul  
Phone: **982 1999** Fax: **983 1970**  
hamamas@global.net.pg

## HONALE 414 LAE GUEST HOUSE

Weybank Street Opposite Sp Brewery  
Planning a weekend holiday in comfort or on business trip to Lae. We  
have a place for you at our prestigious guest house at the corner of  
Weybank Street. We invite you to experience our service and check out  
the unbeatable rates: Single K60/night, Double K85/night day only K50.00,  
Self-contained K85/night Double K75. We also provide airport pick up and  
drop off at mere K10 for our guest. For reservation please ring us on  
**Phone: 472 7761 Fax: 472 3702.**  
*Expatriates are welcome and hope to see you soon*

## HAGEN AIRPORT MOTEL

• 20 Deluxe Rooms • Multi Channel TV  
• Alcohol and Pokies Free Zone • Restaurants  
• Pick up bus available  
*Only a minute away from the airport*  
For a quiet and relaxing stay in Mt Hagen.  
**Call Paul Owen on 545 1647 or fax 545 1618.**  
Double Rooms K110.00 VAT inclusive  
Single Rooms K 88.00 VAT inclusive

## The Weigh Inn

PORT MORESBY  
Excellent Accommodation at budget prices. Great  
location on freeway. One minute to town, drive five  
minutes to Airport. Free Airport Transfer  
\* 22 Air-conditioned rooms with ensuites \* Bars  
\* 25 Channel Satellite TV \* Restaurant  
\* Back-up power & water  
**PH: 321 7777 or 321 1332**  
**Fax: 321 3888**

## KOKOPO VILLAGE RESORT

100% NATIONALLY OWNED  
• Budget Priced to Luxury rooms • Air Cond. TV &  
Coffee/Tea Facilities in all rooms • Large garden setting  
with a superb sea view • Central to all Amenities &  
Attractions • Excellent Restaurant  
• Car Rental • Airport Transfers  
*We specialise in catering for all occasions*  
Call us Now on  
Phone: (675) 982 8060 or (675) 982 8070 or  
(675) 982 9096 or (675) 982 8360  
Fax: (675) 982 9061, P.O. Box 268, Kokopo.

## LAE TRAVELLERS INN

*Newly Open!*  
Providing Affordable but Quality Accommodation in Lae  
Lae Travellers Inn boasts 36 fully sec. complexes comprising: 3  
Deluxe suites \*20 standard rms with ensuites \*11 Budget rooms  
\*Conference room to fit 20 \*Dining facilities \*Commercial laundry and  
more than adequate off street parking all in a quite area of Lae City.  
All deluxe and standard rooms are a/c on. have direct dial tel. cable and  
channel TV. Located on Vee St. off Coronation Drive, For enquiries  
and bookings call us now!  
**Ph: 479 0416, P.O. Box 1918, Lae, MP 411**

## POPONDETTA

### ORO GUEST HOUSE & Sum-Biripa Lodge

\*ECONOMICAL\* TOWN CENTRE \* GOOD QUALITY ACCOMMODATION  
CENTRE OF TOWN 21-CH. TV  
"At Home" Atmosphere K65 Single  
K92 Double K114 Triple  
WEEK END SPECIAL Fr/Sa 1/2 Price FOR  
TOURISTS. ESCAPE MORESBY Pass.Ship:  
Lae(We) Alotau (Mo)  
**PH: 329 7127/438 Fax: 329 7246,**  
Box 2, Poponetta, Oro Province.

## KOKODA TRAIL MOTEL

(SOGERI)  
16 Family Rooms self contained Bar, Pokies,  
Restaurant, Conference facilities, BBQ,  
Swimming Pool.  
We cater for functions, conferences.  
Just 35km from Port Moresby. Room rate  
K60.00 per night.  
Quote for conference or functions.  
P.O. Box 374. WAIGANI NCD.  
Ph: 325 4403, 325 4890

## Seaview Beach Resort

*Superb in Location, Best in Value*  
To make your stay with us a great experience  
we have comfortable air condition rooms, with  
private shower and toilet, cable TV, mini bar  
fridge, phone, coffee/tea making and study  
facilities.  
**ROOMS: Singles K75.00 per night,**  
**Double K100.00 per night, Transit K55.00 per day.**  
**Added Bonus:** Tropical Breakfast, Airport Transfers. For  
enquiries or reservation contact: Anne Marie Arps,  
Ph: 982 8447/982 8377. Fax: 982 8071, e-mail: arns@datec.com.pg  
P.O. Box 2258, Rabaul, ENBP.

## MADANG

### MADANG LODGE MOTEL & APARTMENTS

WATERFRONT ROOMS & APARTMENTS,  
SWIMMING POOL - CABLE TV, PIZZA, SEAFOOD  
& CHARGRILL STEAKS, CONFERENCE  
FACILITIES - HERTZ RENT A CAR.  
**PH: 852 3395 FAX: 852 3292**  
EMAIL reservations@madanglodge.comp.pg  
website www.madanglodge.comp.pg

## GOROKA

### GOROKA LODGE GOROKA

Budget Accommodation  
Single to Family including Ensuites  
• COURTESY BUS • COLOUR TV  
• LICENSED • LARGE SWIMMING POOL  
*2 minutes from Airport*  
**Ph:732 2411 or 732 1009 Fax: 732 2307**  
McNicholl St-P.O. Box 343, Goroka

## The Shady Rest Hotel

The Best Rest in Town offers full facilities including  
• Pub Bar and dining facilities • Gaming area and  
Lounge • Small conference and function Venue  
• Low to Medium Rate Accommodation  
We Look Forward to Being of Service to You  
P.O. Box 5367, Boroko Ph: 323 0000  
Fax: 323 0060  
Email: shadyrest@daltron.com.pg

## SUBMARINE BASE RESORT HOTEL RABAUL

• 10 Air Conditioned Bangalows on Beach  
• Single to Family room  
• Beautiful snorkelling and diving on doorstep  
• Bar and Restaurant on Waterfront  
• TV Satellite  
• Submarine caves and Japanese Tunnels  
• Daily sightseeing tours • Airport Transfers  
**Phone: (675) 982 7200**  
**Fax : (675) 982 7206**  
**Nonga Road, P.O. Box 1, Rabaul, ENB.**

## MADANG RESORT HOTEL

• All rooms Fully Air conditioned • Private Facilities/ Shower, Toilet  
• Coffee Making facilities • Multi Channel TV, Telephone, & Radio  
• Deluxe & Executive rooms with fax machines • Mini Bars  
**Accommodation Rates:**  
Standard: - K165/single, K180/twin double,  
Deluxe: - K220/single, K235/twin double,  
Executive: - K300/single, K315/twin double  
*All Rates are per night and are subject to 10% VAT*  
P.O. Box 111, Madang, 511, Papua New Guinea  
Tel: (675) 852 2655 Fax: (675) 852 3325 Email: mih@meltours.com

## BUKA

### RABANZ GUEST HAUS

IN THE HEART OF BUKA  
"a 3 minute drive from the airport walking distance  
from the market & commercial centre & overlooking  
the Buka Passage"  
Catering for Functions-6 Rooms,  
TV in Rooms-Laundry-Coffee Shop/Restaurant  
**Phone: 973 9730**  
Facsimile: 973 9950  
P.O. Box 78, Buka, NSP.

## GRANVILLE MOTEL

Excellent Conference Facilities  
Hire Car & Stretch Limousine  
• 129 Ensuite Rooms • Self-Contained Units  
• Bar/Restaurant • Weekly Live Bands  
• Cable TV/Air Conditioned.  
CLOSE TO AIRPORT  
P.O. Box 1246, Boroko, NCD  
Ph: (675) 325 7155 Fax: (675) 325 7672  
Email: granvill@online.net.pg

## KAVIENG

### MALANGAN BEACH RESORT

ROOM RATE: Single K180.00 + Vat  
Twin K195.00 + Vat  
Rooms with A/C, Ciding fan, Bar fridge,  
Tea/Coffee facilities, Private Bathroom,  
IDD/STD Telephone, Restaurant, Bar  
available. P.O. Box 238, Kavieng, Ph:  
(675) 984 2344 Fax: (675) 984 2452

## Smugglers Inn Resort Madang

(MADANG MODILON ROAD)  
• Deluxe Accommodation  
• Waterfront Accommodation  
• Apartments (2&3 bedrooms)  
• Waterfront Restaurant  
• Conference Facilities  
• Guest Swimming Pool & Spa  
• Cable TV & Airconditioning  
• Free Pick Up & Transfers  
**PH: 852 2744 Fax: 852 2267**  
**P.O. Box 303, Madang, Madang Province**

## Hani's Inn

Experience the Newest Comfort in Buka  
• Air Conditioned Self-contained units for privacy  
• Fridge & coffee making facilities  
• TV equipped with multi-channels  
• Restaurant & Tumola Coffee Shop available  
• Within the heart of Buka Township  
*Chatting Buka!! Book early!!*  
**Phone: 973 9930**  
Facsimile: 9739930  
P.O. Box 973, Buka, North Solomons Province

## AMBER'S INN - BOROKO

**30 BEDROOMS**  
Single, Double & Family  
Airport Transfers  
Garden Courtyard  
Satellite TV, Swimming Pool,  
Guest Kitchen, Dining Room,  
Laundry Service, Private & Share Bathroom Facilities,  
Courtesy Transfer, Guest Laundry  
**FACSIMILE: 325 9565**  
Mairi Pl. Boroko **323 0624**  
P.O. Box 1139, Boroko **325 5091**

## KAVIENG

### HOTEL

• 22 Air Conditioned Rooms  
• Licensed Restaurant  
• Budget Accommodation  
• Airport Transfers - Hire Cars  
• Cable TV

## VANIMO

### Vanimo Beach Hotel

(Owned by Relat Indah Limited)  
• Hotel Rooms & apartment units  
• Self contained, fully air conditioned, TV cables  
• International standard restaurant  
• Poker machine, video game, snooker etc  
• Public bar  
• Standby generator  
**Ph: 857 1102 or 857 1310, 857 1318 or 857 1018**  
**Fax: 857 1131 or 857 1203 - P.O. Box 41, Vanimo**  
*All are Welcome*

## ENGA

### Orchid Lodge Ltd.

**KOL ACCOMMODATION**  
SINGLE: K75.00 per night  
DOUBLE: K85.00 per night  
More than 10 people - 20% Discount  
Children under 10 - 50% Discount  
Children under 4 - Free  
**PH : 542 2087/547 1253**  
**Fax : 547 1001**

For your Directory Advertisements,  
Contact: **WALTER D. EDWARD**  
Telephone: 325 2500 or Fax: 325 2579





# WANTOK SPOT



• Kumul tim.

# Bennett makim Kumul tim

## HENRY MORABANG i raitim

NESENEL ragbi lig kosa Bob Bennett i makim pinis Kumul tim bilong bungim Australian Kangaroo long Dairy Farm, Townsville, Australia, long dispela wiken Sarere.

Tim ya i gat 5-pela nupela pes na olgeta arapela em ol lapun bilong tim ya. Ol nupela pilaia em Justine Augustine, Chris Purkikil, Makali Aizue, Duncan Naawi na Alex Krewanty.

Ol dispela pilaia bai soim pes namba wan tim long makim kantri long Kumul jesi.

Mista Bennett i holim promis bilong em yet long makim wanpela yangpela na strongpela tim long bungim ol Kangaroos.

Insait long tim i gat ol pilaia olsem Adrian Lam, Marcus Bai, Bruce Mamando, John Wilshere husat bai givim eksperiens long tim long traime winim ol

Australia.

Kosa Bennett i gat tupela main taim ol niusman i askim wanem sans bilong PNG egensim tim bilong Australia.

Em i tok long tokaut stret, PNG i nogat sans long winim Australia bikos ol i top kantri bilong ragbi lig insait long wol.

Dispela toktok bilong Bennett i no tru na i soim olsem em yet i nogat bilip long em na ol pilaia em i makim long karim nem bilong kantri, Papua Niugini.

Mista Bennett i tok Australia i gat strongpela fowat tasol em bai traime long tromoi bal i go i kam long traime long stapim Australia long noken mekim bikipela skoa.

Tim bilong Kumul em Augustine, John Wilshere, Alfred Songoro, Purkikil, Marcus Bai, Mark Mom, Adrian Lam, Bruce Mamando, Elias Paiyo, Aizue, Michael Mondo, Raymond Karl, Tom O'Reilly, Nawi, Krewanty, Andrew Norman, David Buko

Ol pilaia husat i makim PNG Kumuls long las Wol Kap long 1995 em Marcus Bai, Adrian Lam, Stanley Gene, David Buko, Bruce Mamando and Elias Paiyo.

Kosa bilong Australia Chris Anderson i makim tu wanpela strongpela tim tru long salensim Kumuls.

Anderson em i kosa bilong Marcus Bai tasol nau Bai i no inap givim sans long kosa bilong em long traime winim gem bilong kantri bilong em.

Wanpela bikipela sans tru em stap namel long Anderson i rausim Andrew Johns na makim Brett Kimmorely long habbek posisen.

Skwat bilong Australia Kangaroo em Darren Lockyer, Matt Rogers, Ryan Ridler, Mathew Gidley, Wendall Sailor, Brad Fittler (c), Bret Kimmorely, Scott Hill, Bryan Fletcher, Gorden Tallis, Robbie Kearns, Andrew Johns, Shane Webke,

Ol riserve em Adam MacDougall, Jason Croker, Darren Britt, Jason Stevens.

## Kambuou i wari long Disabel spot

EKSEKYUTIV Dairekta bilong PNG Spots Komisn John Kambuou i autim wari long nogat gutpela sapot i save kamap long helpim disabel spot insait long kantri.

Mista Kambuou i mekim dispela toktok taim PNG i redi long salim wanpela tim i go long Paralimpk Gems we bai kamap long Sidni, Australia. Gem ya bai stat long Oktoba 12 i go long Oktoba 20 long Homebush Stadium we bikipela Olympik Gems i bin kamap long en las wik tasol.


Em i tok gavman i bin givim gutpela sans long larim sistem ol i kolim "tax deductible" long ol kampani i givim mani long spot tasol disabel spot i no kisim gutpela sapot.

Eksekutyuv Dairekta i wari olsem olgeta taim kampani i save salim ol gutpela lain tasol na i no tingim ol lain tarangu.

Tim bilong go long Sidni em Keith Wise (kosa), Sophie Kuasi (tim menesa) Theodore Ben, Kapuni Lewa na Dona Ou. Mista Kambuou yet bai makim gavman long dispela Gems.

Em i tok taim i sot na em i askim ol kampani husat i laik givim mani i mas sapotim dispela tim.

PNG Spot Komisn i laki long kisim sevis bilong Keith Wise olsem kosa husat i kam long Australia Intanesenel Voluntia Sevis.



• Ben Theodore (Aipas).

# Em i Gutpela Em i Tuna Em i bilong PNG stret...

PROUDLY



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.